

四庫全書

史部

欽定四庫全書

史部
通鑑地理通釋卷三

詳校官修撰臣錢蔭

洗馬臣王坦修覆勘

總校官庶吉士臣何思鈞

校對官中書臣朱 圻

謄錄監生臣伍士鵬

欽定四庫全書

通鑑地理通釋卷三

宋 王應麟 撰

歷代州域總叙下

唐十道

地理志唐興高祖改郡為州太守為刺史

武德元年

又置都

督府以治之

七年

然天下初定權置州郡頗多太宗元年

始命併省又因山川形便分天下為十道至十三年定
薄凡州府三百五十八縣一千五百五十一明年平高

昌又增州二縣六其後北殄突厥頡利西平高昌北踰
陰山西抵大漠其地東極海西至焉耆南盡林州南境
北接薛延陀界東西九千五百一十一里南北一萬六

千九百一十八里

會要凡天下三百六十州自後併省
迄于天寶凡三百三十一州存焉

六典云一曰關內道古雍州之境今京兆華同岐邠隴
涇寧坊廓丹延慶鹽原會靈夏豐勝綏銀凡二十有二
州焉東拒河西抵隴坂南據終南之山北邊沙漠其名
山有太白九峻吳山岐山梁山泰華之嶽在焉其大川

有涇渭灞滻厥賦綃綿布麻厥貢代赭鹽山角弓龍鬚
席從蓉野馬皮麝香遠夷則控北蕃突厥之朝貢焉二
曰河南道古豫兗青徐四州之境今河南府陝汝鄭汴
蔡許豫潁陳毫宋曹滑濮鄆濟齊淄徐兗泗沂青萊登
密海凡二十有八州焉東盡于海西距函谷南瀕于淮
北薄于河名山則有三嶠少室砥柱蒙山嶧山嵩岱二
嶽在焉大川則有伊洛汝潁沂泗之水淮濟之瀆厥賦
綃純綿布厥貢紬純文綾絲葛水葱蘆心蓆瓷石之器

遠夷則控海東新羅日本之貢獻焉三曰河東道古冀
州之境今太原潞澤晉絳蒲絳汾慈隰石沁儀嵐忻代
朔蔚雲凡十有九州焉東距常山西據河南抵首陽太
行北邊匈奴其名山則有雷首介山霍山嶧當作嶧山其

大川有汾晉及丹沁之水厥賦布繡厥貢麋扇龍鬚席
墨蠟石英麝香漆人參四曰河北道古幽冀二州之境
今懷衛相洺邢趙恒定易幽莫瀛深冀貝魏博德滄棣
媯檀營平安東凡二十有五州焉東并于海南迫于河

西距太行恒山北通榆關薊門其名山有林慮白鹿封
龍井陘碣石之山常嶽在焉其大川有漳淇呼沱之水
厥賦綃綿及絲厥貢羅綾平紬絲布綿紬鳳翽葦席墨
遠夷則控契丹奚靺鞨室韋之貢獻焉五曰山南道古
荆梁二州之境今荆襄鄧商復郢隋唐岐歸均房金夔
萬忠梁洋集通開辟巴蓬渠涪渝合鳳興利閬果凡三
十有三州焉東接荆楚西抵隴蜀南控大江北據商華
之山其名山有嶓冢熊耳巫峽銅梁荆山峴山大川則

有巴漢沮洳之水厥賦綃布綿厥貢金漆蜜蠟蠟燭鋼
鐵芒消麝香布交梭白縠細紵綾葛綵綸蘭千六曰隴
右道古雍梁二州之境今秦渭成武洮岷疊宕河蘭鄯
廓涼并肅瓜沙伊西北庭安西凡二十有一州焉東接
秦州西逾流沙南連蜀及吐蕃北界朔漠其名山有秦
嶺隴坻西傾朱圉積石合黎崆峒三危鳥鼠同穴其大
川則有洮水弱水羌水河瀆及休屠之澤在焉厥賦布
麻厥貢麩金礪石碁石蜜蠟蠟燭毛褐麝香白璫及鳥

獸之角羽毛皮革遠夷則控西域胡戎之貢獻焉七曰
淮南道古揚州之境今揚楚和滁濠壽廬舒蘄黃沔安
申光凡十有四州焉東臨海西抵漢南拒江北距淮其
名山有八公巒大別霍山羅山塗山其大川有滁肥之
水巢湖在焉厥賦純綃綿布厥貢交梭紵絺孔雀熟絲
布青銅鏡八曰江南道古揚州之南境今潤常蘇湖杭
歙睦衢越婺台溫明括建福泉汀宣饒撫虔洪吉郴袁
江鄂岳潭衡永道邵澧朗辰飾志末見錦施南溪思黔費

業巫夷播漆珍凡五十有一州焉東臨海西抵蜀南極
嶺北帶江其名山有茅山蔣山天目會稽四明天台括
蒼縉雲金華大庾武夷廬山而衡岳在焉其大川有浙
江湘贛沅澧之水洞庭彭蠡太湖之澤厥賦麻紵厥貢
紗編綾綸蕉葛練麩犀角鮫魚藤紙朱砂水銀零陵
香遠夷則控五溪之蠻九曰劔南道古梁州之境今益
蜀彭漢綿劔梓遂普資簡陵邛眉雅嘉榮瀘戎黎茂龍
扶文當松靜柘翼悉維嵩姚凡三十有三州焉東連牂

柯西界吐蕃南接羣蠻北通劔閣其名山有峨眉青城
鶴鳴岷山其大川有涪雒及西漢之水江瀆在焉厥賦
綃綿葛紆厥貢麩金羅綾綿紬交梭彌牟布絲葛麝香
羚羊犛牛角尾遠夷則控西河羣蠻之貢獻焉十曰嶺
南道古揚州之南境今廣循潮漳韶連端康岡恩高春
封辯瀧新潘雷羅儋崖瓊振桂昭富梧賀龔象柳宜融
古嚴容藤義竇禺白廉繡黨牢巖鬱林平琴邕賓貴橫
欽潯潏龍田武環澄安南驩愛陸峯湯長福祿龐凡七

十州焉東南際海西極羣蠻北據五嶺其名山有黃嶺
及鬱水之靈洲焉其大川有桂水鬱水厥賦蕉紵落麻
厥貢金銀沈香甲香水馬翡翠孔雀象牙犀角龜殼鼈
鼉綵藤竹布其遠夷則控百越及林邑扶南之貢獻焉
凡天下之州府三百一十有五而羈縻之州盖八百焉

天寶二載以州為郡乾元元年復以郡為州十
道山川攷在後地理志羈縻府州八百五十六

二十四都督

百官志景雲二年置都督二十四人察刺史以下善惡

揚益并荆四州為大都督汴兗魏冀蒲綿秦洪潤越十
州為中都督皆正三品齊鄆涇襄安潭遂通梁夔十州
為下都督從三品當時以為權重難制罷之唯四大都
督府如故置十道按察使道各一人通典太極初并益
荆揚為四大都督府開元十七年加潞州為五焉其餘
都督定為上中下等上都督府五中都督府
十三下都督府十六六典潞揚
益荆幽為大都督府涼秦靈延代兗梁安越洪潭桂廣
戎福為中都督府夏原慶豐勝營松洮鄯西雅瀘茂雋

姚夔黔辰容邕為下都督府

五代會要按十道圖大都督府八靈陝幽揚潞魏鎮

徐

十五道

通典開元二十一年分為十五道置採訪使以檢察非

法京畿

治西京城內今京兆

都畿

治東都今河南

關內

多以京官遙領

河南

治汴州

河東

治蒲州

河北

治魏州

隴右

治鄆州

山南東

治棗州

山南西

治興

元

劍南

治成都

淮南

治揚州

江南東

治蘇州

江南西

治洪州

黔中

治黔州

嶺南

治廣州

地理志開元二十一年又因十道分山

南江南為東西道增置黔中道及京畿都畿置十五採訪使檢察如漢刺史之職天寶盜起中國用兵而河西隴右不守陷於吐蕃至大中咸通始復隴右然舉唐之

盛時開元天寶之際東至安東西至安西南至日南北

至單于府蓋南北如漢之盛東不及而西過之

通典漢之東境

玄菟樂浪今為東夷之地漢之西境燉煌今伊吾交河北庭安西則漢為戎胡所據開元二十八

年戶部帳凡郡府三百二十八縣千五百七十三

舊紀天寶

元年郡府三百六十二縣一千五百二十八通鑑從唐歷會要統紀天寶元年州三百三十一通典開

元中定天下州府自京都

京北河南太原為三都

及都督都護府

之外以近畿之州為四輔

同華岐蒲四州

其餘為六雄

鄭俠汴絳懷魏

六州十望

宋亳滑許汝晉洛號衛相十州六典有汾無亳

十緊

後入緊者多不復具列

及上

中下之差六典安東平營檀媯蔚朔忻安北單于代嵐

雲勝豐鹽靈會涼肅甘瓜沙伊西北庭安西河蘭鄯廓

疊洮岷扶柘維靜悉翼松當戎茂雋姚播黔驩容為邊

州凡三都之縣在城內曰京縣城外曰畿縣又望縣有

八十五焉其餘為上中下縣

通典赤六畿八十二望七十八緊百十一上四百四

十六中二百九十六下五百五十
四六等凡一千五百七十三縣凡天下之上鎮二十

中鎮九十下鎮一百三十五上戍十一中戍八十六下

戍二百三十五

會要軍四十府六百三十四鎮四百五十戍五百九十守捉三十五

十節度

通鑑天寶元年時天下聲教所被之州三百三十一羈
縻之州八百置十節度經畧使以備邊安西節度撫寧
西域治龜茲城兵二萬四千北庭節度防制突騎施堅
昆治北庭都護府兵二萬人河西節度斷隔吐蕃突厥

治涼州兵七萬三千人朔方節度捍禦突厥治靈州兵
六萬四千七百人河東節度與朔方掎角以禦突厥治
太原府兵五萬五千人范陽節度臨制奚契丹治幽州
兵九萬一千四百人平盧節度鎮撫室韋靺鞨治營州
兵三萬七千五百人隴右節度備禦吐蕃治鄯州兵七
萬五千人劔南節度西抗吐蕃南撫蠻獠治益州兵三
萬九百人嶺南五府經畧綏靜夷獠治廣州兵萬五千
四百人此外又有長樂經畧福州領之兵千五百人東

萊守捉萊州領之東牟守捉登州領之兵各千人凡鎮兵四十九萬人馬八萬餘匹通典節度使十經略守捉使三邊方有寇戎之地則加以旌節謂之節度使自景

雲二年四月始以賀拔延嗣為涼州都督充河西節度

使其後諸道因同此號

通鑑景雲元年十月以薛訥為幽州經略節度大使節度之名

自此始

會要永徽已後除都督帶使持節即是節度使景

雲二年始有節度之號兵志云所謂方鎮者節度使之兵也原其始起於邊將之屯防者唐初兵之戍邊者大

曰軍小曰守捉曰城曰鎮而總之者曰道若盧龍軍一
東軍等守捉十一曰平盧道橫海北平高陽經略安塞
納降唐興渤海懷柔威武鎮遠靜塞雄武鎮安懷遠保
定軍十六曰范陽道天兵大同天安橫野軍四岢嵐等
守捉五曰河東道朔方經略豐安定遠新昌天柱宥州
經畧橫塞天德天安軍九三受降豐寧保寧烏延等六
城新泉守捉一曰關內道赤水大斗白亭豆盧墨離建
康寧寇玉門伊吾天山軍十烏城等守捉十四曰河西

道瀚海清海靜塞軍三沙鉢等守捉十曰北庭道保大
軍一鷹娑都督一蘭城等守捉八曰安西道鎮西天成
振威安人綏戎河源白水天威榆林臨洮莫門神策寧
邊威勝金天武寧曜武積石軍十八平夷綏和合川守
捉三曰隴右道威戎安夷昆明寧遠洪源通化松當平
戎天保威遠軍十羊灌田等守捉十五新安等城三十
二犍為等鎮三十八曰劔南道嶺南安南桂管邕管容
管經畧清海軍六曰嶺南道福州經畧軍一曰江南道

平海軍一東牟東萊守捉二蓬萊鎮一曰河南道此自武德至天寶以前邊防之制其諸城鎮守捉皆有使而道有大將一人曰大總管已後更曰大都督至太宗時行軍征討曰大總管在其本道曰大都督自景雲而後接乎開元朔方隴右河東河西諸鎮皆置節度使及安祿山反肅宗起靈武而諸鎮之兵共起誅賊其後慶緒及史思明父子繼起肅宗命李光弼等討之號九節度之師大盜既滅而武夫戰卒以功起行陣列為侯王者

皆除節度使

呂氏曰開元文武選用不久任不兼領不遷授自天寶分置十節度致漁陽之變安

史平而藩鎮之禍方始

由是方鎮相望於內地大者連州十餘小

者猶兼三四始時為朝廷患者號河朔三鎮及其末朱全忠以梁兵李克用以晉兵更犯京師而李茂貞韓建近據岐華其他大鎮南則吳浙荆湖閩廣西則岐蜀北則燕晉而梁盜據其中自國門以外皆分裂於方鎮矣

方鎮表唐自中世以後收功弭亂常倚鎮兵其亡亦終以此六典云天下節度有八一日關內朔方二曰河東三曰河北幽州四曰河西五曰隴右六曰劔南七曰磧西八曰嶺南陸宣公云開元天寶間控禦西北兩蕃唯

朔方河西隴右三節度而已通典云天寶初折衝府五百九十三鎮二百四戍三百九十三關二十七王彥威云至德迄元和天下觀察者十節度者二十有九防禦者四經畧者三尹氏云弱唐者諸侯也唐既弱矣而久不亡者諸侯維之也唐之弱者以河北之強也唐之亡者以河北之弱也崔氏云肅宗以河朔之地裂三鎮擅地自有其國

卒移於方鎮

藩鎮傳魏博傳五世至田弘正入朝十年

復亂更四姓傳十世有州七成德更二姓傳五世至王承元入朝明年王庭湊反傳六世有州四盧龍更三姓傳五世至劉總入朝六月朱克融反傳十二世有州九淄青傳五世而滅有州十二滄景傳三世至程權入朝

十六年而李全畧有之至其子同捷而滅有州四宣武

傳四世而滅有州四彰義傳三世而滅有州三澤潞傳

三世而滅有州五

張氏曰唐之治由藩鎮之未專地也唐之弱由藩鎮之彊盛也唐之亡由

藩鎮之削滅也

按百官志諸王拜節度大使者皆留京師

副大使知

節度事者正節度也開元四年親王始還領十六年宰相始還領

貞元十四年賈耽上

十道錄凡三十一節度十一觀察與防禦經畧以守臣

稱使者共五十元和八年李吉甫上郡縣圖自京兆府

至隴右道凡四十七鎮

十四年橫海烏重胤奏所領德棣景三州各還刺史職事在州

兵並以刺史領之其後河北諸鎮惟橫海最為順命由重肩處之得宜程子曰趙普便是此策

河北二十四郡

顏真卿傳祿山反河朔盡陷獨平原城守玄宗始聞亂

歎曰河北二十四郡無一忠臣邪攷之六典河內郡懷

汲郡

衛

鄴郡

相

廣平郡

洛

鉅鹿郡

邢

趙郡

趙

恒山郡

恒

博陵郡

定

上谷郡

易

范陽郡

幽

文安郡

莫

河間郡

瀛

饒

陽郡

深

信都郡

冀

清河郡

貝

魏郡

魏

博平郡

博

平原郡

德景城郡

滄

樂安郡

棣

媯川郡

媯

密雲郡

檀

柳城郡

營

北平郡凡二十四

畢航為廣平太守拒安祿山城陷覆其家二十四郡之忠臣不獨平

原常山也

天下水泉

六典水部掌天下川瀆陂池之政令凡天下水泉三億

三萬三千五百五十有九其在遐荒絕域不可得而知

其江河自西極達于東溟中國之大川也其餘百三十

有五水是為中川

桑欽水經所引天下之水百三十七江河在焉

其千二百五

十有二水斯為小川

酈善長注水經引其支流一千二百五十二

若渭洛汾

濟漳淇淮漢皆亘達方域唐志水經桑欽撰舊志郭璞撰通典云水經不詳所撰者名氏亦不知何代之書

經云

壽張光武更名臨濟安帝更名湖陸章帝更名永安順帝更名故知順帝以後纂序也今攷經云武侯壘諸葛武侯也又云魏興安陽縣魏興郡魏分漢中所立也又改信都從長樂晉太康五年事也又云河水北薄骨律鎮城元魏鎮名也然則水經非後漢人所撰桑欽君長漢成帝時人見儒林傳隋志不言桑欽撰程子曰唐土德少河患本朝火德多水災

六都護

會要都護府有六單于安西安北為大都護安南安東

北庭為中都護漢武開西域宣帝始置都護唐關內道

單于

龍朔三年曰雲中麟德元年更名秦漢雲中郡地

安北

貞觀二十一年曰燕然龍朔三年曰

瀚海總章二年更名治中受降城徙豐勝二州境又徙天德軍

隴右道安西

貞觀十四年置治西

州徙龜茲北庭

本庭州長安二年置河北道安東

總章元年置治平壤徙遼東故城又徙新

城又徙平州又徙遼西故城

嶺南道安南

本交州調露元年徙治交趾寶曆元年徙平縣

開元四年親王始遥領大都護

府之政以副大都護主之

地理志自

太宗平突厥西北諸蕃及蠻夷稍稍內屬即其部落列

置州縣其大者為都督府以其首領為都督刺史皆得

世襲雖貢賦版籍多不上戶部然聲教所暨皆邊州都督都護所領著于令式今錄招降開置之目以見其盛其後或臣或叛經制不一不能詳見突厥回紇党項吐谷渾隸關內道者為府二十九州九十突厥之別部及奚契丹靺鞨降胡高麗隸河北者為府十四州四十六突厥回紇党項吐谷渾之別部及龜茲于闐焉耆疏勒河西內屬諸胡西域十六國隸隴右者為府五十一州百九十八羌蠻隸劄南者為州二百六十一蠻隸江南

者為州五十一隸嶺南者為州九十二又有党項州二

十四不知其隸屬大凡府州八百五十六號為羈縻云

龜茲毘沙

本于開國

焉耆疏勒為四鎮

咸亨元年罷四鎮曰龜茲于闐焉耆疏勒

長壽二年復四鎮曰龜茲于闐疏勒碎葉

豐勝靈夏朔代為河曲六州

魯麗含塞

依契為六胡州

廣桂容邕安南為嶺南五府

亦曰五管

天寶後王官

之戍北不踰河西止秦邠

五代所有州

梁唐晉漢周皆以藩鎮更為帝職方攷梁初天下別為

十一國南有吳浙荆湖閩漢西有岐蜀北有燕晉而朱氏所有七十八州以爲梁莊宗初起并代取幽滄有州三十五其後又取梁魏博等十有六州合五十一州以滅梁岐王稱臣又得其州七同光破蜀已而復失惟得秦鳳階成四州而營平二州陷于契丹其增置之州一案合一百二十三州以爲唐石氏入立獻十有六州於契丹幽薊瀛莫涿檀順新
媯儒武雲應寰朔蔚而得蜀金州又增置之州一威合一百九州以爲晉劉氏之初秦鳳階成復入于蜀

隱帝時增置之州一解合一百六州以為漢郭氏代漢

十州入于劉旻世宗取秦鳳階成瀛莫及淮南十四州

又增置之州五濟濱雄霸通而廢者三衍武景合一百一十八

州以為周軍不在焉五代置軍六皆寄治於縣隸於州故不別出

宋二十三路

太祖受周禪凡州府軍監一百三十九縣六百六十一

軍監始自置屬縣與州府並列建隆元年始以知州易方鎮乾德二年

詔階成二州直隸京師始不以支郡盡隸節度使荆南

來朝平湖南蜀廣江南開寶九年有州二百九十七縣
一千八百六太平興國二年盡罷節鎮所領支郡三年
陳洪進錢俶獻地四年平太原李繼捧來朝而後混一
至道三年始定為十五路京東京西河北河東陝西淮
南江南湖南湖北兩浙福建西川峽西廣東廣西咸平
四年分川峽為四路益梓利夔天聖八年分江南為東西仁
宗初有路十八總府州軍監三百二十二縣一千二百
六十二地東南皆至海西盡巴夔北際中山東西六千

四百八十五里南北一萬一千六百二十里康定二年

分陝西為四路

秦鳳涇渠環慶鄜延

慶厯八年分河北為四路

定州

高陽真定大名

皇祐三年分淮南為東西

楊

熙寧五年分京西

為南北陝西又分永興建熙河并前四路為六路

元豐四年

建蘭會路

六年分河北為東西八年刪定九域圖更名九域

志總二十三路

京東東京東西京西南京西北河北東河北西陝西永興秦鳳河東淮南東淮

南西兩浙江南東江南西荆湖南荆湖北成都梓利夔福建廣南東廣南西

京府四

開封應天河南

大次府十州二百四十二軍二十七監四縣一千一百

三十五九年兩浙分東西路自熙寧始務開拓种諤取
綏州韓絳取銀州王韶取熙河章厚取懿洽謝景溫取
徽誠熊本取南平郭逵取廣源元豐李憲取蘭州沈括
取葭蘆四寨元符王瞻取青唐邈川龍支崇寧王厚復
湟鄯迄于重和建州軍不可勝紀最後建燕山雲中兩
路而中夏板蕩矣自建炎南守輿地登于職方者東薄
明粵南斥瓊崖西盡岷嶠北極淮漢蓋僅當舜十二州
之三漢十三部之四晉十九州之七紹興十四年分利

州路為東西司馬公曰自周室東遷王政不行諸侯逐
進凡五百五十年而合於秦秦虐用其民十有一年而
天下亂又八年而合於漢漢為天子二百有六年而失
其柄王莽盜之十有七年而復為漢更始不能自保光
武誅除僭偽凡十有四年然後能一之又一百五十三
年董卓擅朝州郡更相吞噬至于魏氏海內三分凡九
十有一年而合於晉晉得天下纔二十年惠帝昏愚羣
胡乘釁散為六七聚為二三凡二百八十有八年而合

於隋隋得天下纔二十有八年煬帝無道九州幅裂八年而天下合於唐唐得天下一百三十年明皇恃其承平荒于酒色漁陽竊發四海橫流肅代以降方鎮跋扈陵夷至于五代朝成夕敗有如逆旅太祖起而拯之東征西伐太勲未集太宗嗣而成之凡二百二十有五年然後大禹之迹復混而為一由是觀之上下一千七百餘年天下一統者五百餘年而已歐陽公州名急就章曰別州自禹郡於秦廢置經革難具陳皇家垂統天下

定疆理萬方承政令近征遠貢各有宜或卑吏治或羈縻九域披圖指可知分音比類慎訛疑文差字析極精微若夫錦居遐裔孤音無比隰集梓泗劒陝涪幽駢聲相附可如類求則有夔綏隨果賀播滑達越和何羅連三前叶其四謂何乃有瓜沙嘉巴鳳隴雍宋歛峽合疊溜資思師化雅華夏密吉蔚悉永郢鼎頴不宜吃訥又如保邵道趙耀鄆信潤晉慎凡五聲而一韻柳壽茂實宥湊憲充漢簡萬演海岱解蔡泰愛欽浚金深柳黔蜀

濮福睦復陸乃六律而同音七言惟一白澤號石益德
辟八音相望廣象相間絳獎黨宕開萊台懷階崖雷梅
澧棣翼利濟薊費智鄭鄧定孟慶應靜勝廉潭儋南嵐
鹽耳崑至於許汝發處楚普潞叙古魏惠桂貴遂貝瑞
寓會言過乎九難宣於口於是有岳鄂毫薄洛莫涿朔
廓拓眉黎齊池靳施伊西夷溪濠曹饒昭韶潮遼交洮
牢句右邛通龍洪蓬蒙邕同戎忠松籠句右連綿澶安
延丹端宣檀驪蘭潘田巒湖蘇舒滁廬渝瀘梧蒲徐廊

扶儒禺

句右皆十四

秦邠麟汾均陳溫春筠辰文循銀雲勤

岷杭揚江黃常漳康襄房坊商滄洋昌濠長

句右皆十六

并

青瀛登成明衡彭英瓊邢洺涇寧昇榮橫滕汀興營平

庭澄

句右二十四

聯章斷句不能遽數真定河源以諱不舉

若乃物有疑似同音異字則有陵靈原袁府撫乾虔瀛

賓融容渭衛全泉繡秀易翼渠衢歸媯龔恭汴辨涼梁

祈岐鄴單宿肅磁慈灘維峯封暨豐沂宜及儀乃一號

而三之

音或不同相近者亦借以足之

劒環恩順鎮霸真雄又音文之

兩同至於太平鬱林萬安平琴武安洮陽新定建康二
名雖美遠小不彰若監若軍四十有六保定信安廣信
安肅鎮戎保安奇嵐火山順安寧化實控三邊其餘瑣
瑣皆不足言

其後因檢九域圖有高富瀧當四州
偶遺不錄以文句難移不復增入也晁氏

曰秦隋兩世而亡晉兩世而亂唯漢唐我宋歷年而久
呂氏曰藝祖肇造區夏監觀四方求民之莫藩方強大
犬牙相錯異姓封王及帶將印者不下數十人雖用趙
普之謀制其錢穀收其精兵歛威福之柄歸之公上而

舉是大柄付之縉紳學士無所疑間命廷臣為知州通判以散節度使之權命朝臣奚嶼等為知縣以勤恤民隱此運量宇宙之大畧出於獨見而非普之所能及也曾氏曰太祖之世其捍北狄則用李漢超於關南馬仁瑤於瀛州韓令坤於常山賀惟忠於易州何繼筠於棣州其禦太原則用郭進於西山李謙溥於隰州李繼勳於昭義其備西戎則用姚內斌於慶州董遵誨於環州王彥昇於原州馮繼業於靈州如內斌遵誨之兵率不

過五六千人皆責之以自守其地

歷代戶口

周仲山父曰古者司民協孤終司商協名姓司徒協旅
司寇協姦牧協職工協革場協入廩協出是則少多死
生出入往來皆可知也於是又審之以事王治農于籍
搜于農隙耨獲亦於籍獮於既烝狩於畢時是皆習民
數者也帝王世紀禹平水土還為九州民口千三百五
十五萬三千九百二十三人周公相成王致治刑錯民

口千三百七十一萬四千九百二十三人多禹十六萬
一千人周之極盛也莊王之十三年齊桓公二年五千
里內非天王之御自世子公侯以下至于庶民凡千一

百八十四萬七千人定受田者九百萬四千人

杜佑曰當時天

下列國恐其數未詳

至於戰國蘇張之說計秦及山東六國戎卒

尚踰五百餘萬推民口數當千餘萬

秦獻公十年初爲戶籍相伍始皇十

六年初令男子書年

漢平帝元始二年民戶千二百二十三萬三

千六十二口五千九百五十九萬四千九百七十八漢

極盛矣後漢光武中元二年戶四百二十七萬九千六百三十四口二千一百萬七千八百二十桓帝永壽二年戶千六百七萬九百六口五千六萬六千八百五十六魏武據中原戶六十六萬三千四百二十三口四百

四十三萬二千八百八十一

蜀後主為魏所滅得戶二十八萬口九十四萬帶甲

將士十萬二千吏四萬吳赤烏中有戶五十二萬口二百三十萬及皓滅有戶五十三萬口二百三十萬兵二十三萬大小三國鼎立之時通計戶百四十七萬三千

四百三十三口七百六十七萬二千八百八十一晉武

帝太康初平吳天下戶二百四十五萬九千八百四十

口一千六百一十六萬三千八百六十三晉之極盛也

魏志注案晉太康三年地記晉戶有三百七十七萬

宋孝武大明八年戶九十萬

六千八百七十口四百六十八萬五千五百一陳宣帝

時有戶六十萬至後主滅有戶五十萬口二百萬後魏

明帝正光以前有戶五百餘萬東魏靜帝武定中有戶

百一十八萬一百一十二口四百四十八萬八千七百

六十

通計西魏州郡也

北齊為周所滅得戶三百三萬二千五

百二十八口二千萬六千八百八十後周大象中戶三百五十九萬口九百萬九千六百四隋大業中戶八百九十萬七千五百三十六口四千六百一萬九千九百五十六唐武德初二百餘萬戶永徽元年戶三百八十

萬

去大業末三十六年

天寶十四年戶八百九十一萬四千七百

九口五千二百九十一萬九千三百九唐之極盛也

自武

德初至天寶末凡百三十八年戶纔比於隋氏

肅宗乾元三年戶百九十三

萬三千一百三十四大厯中唯有百三十萬戶建中初

命黜陟使往諸道按比戶口得主戶百八十餘萬客戶

一百三十餘萬共三百一十萬

建中元年定天下兩稅戶凡三百八十萬五千

七十元和二年李吉甫等撰元和國計簿見定戶二百

四十四萬二百五十四

十五道七十一州不申戶口數率以兩戶資一兵王彥威上

古頡圖言長慶籍戶三百五十萬而兵乃九十九萬率三戶資一兵宋太祖元年戶九十

六萬末年天下既定戶三百九萬五百四真宗景德四

年戶七百四十一萬七千五百七口一千六百二十八

萬二百五十四神宗元豐六年戶一千七百二十一萬

一千七百十三口二千四百九十六萬九千三百

慶恩三年

范仲淹陳十事八曰減徭役觀西京圖經唐會昌中河南府有戶口十九萬四千七百餘戶置二十縣今河南府主客七萬五千九百餘戶仍置一十九縣鞏縣七百戶僱師一千一百戶逐縣三等堪役者不過百家而所供役人不下二百數新舊循環非鰥寡孤獨不能供役西洛之民最為窮困請依後漢故事遣使先往西京并省諸邑為十縣所廢之邑並改為鎮中論曰民數為國之本也以分田里

以令貢賦以造器用以制祿食以起田役以作軍旅國以建典家以立度五禮用脩九刑用措其唯審民數乎通典曰古之為理在周知人數乃均其事役周官有比

閭族黨鄉遂之制維持其政綱紀其人孟冬獻民數于王王拜受之其敬之守之如此其重也胡氏曰庶可能也而難於富以誅其財也富可能也而難於教以無其道也漢孝文孝明唐太宗之世亦云庶富矣西京之教無聞焉明帝尊師重傅臨雍拜老宗戚子弟莫不受學唐太宗大召名儒增廣生員教亦至矣然而未知所以教也石氏曰漢有平城之危諸呂之難七國之反王莽之奪漢終不亡民心未去也唐有武氏之變祿山之禍

思明朱泚希烈宗權諸侯之叛唐終不亡民心尚在也
民之叛也雖以百里雖以匹夫猶能亡國湯以七十里
亡夏文王以百里亡商陳勝以匹夫亡秦是也書曰可
畏非民蘇氏曰三代之制度地以居民民各以其夫家
之衆寡而受田于官一夫而百畝民不可以多得尺寸
之地而地亦不可以多得一介之民故其民均而地有
餘當成康刑措之後其民極盛之時九州之籍不過千
三萬四千有餘夫地以十倍而民居其一故穀常有餘

而地力不耗均之有術也劉氏度曰西漢之盛以戶計者至于千二百二十三萬以口計者至于五千九百五十萬考之後世以隋大業之富而戶口之數終莫能及以未有浮屠之法以耗之也唐開元之間治固不逮漢而以口計者四千八百十四萬自漢而降無若開元者豈非以開元初姚崇為相一旦髮僧而農者餘萬二千人磨以歲月其徒稍衰故邪李氏

心傳

曰西漢戶口

至盛之時率以十戶為四十八口有奇東漢戶口率以

十戶為五十二口可準周之下農夫唐人戶口至盛之時率以十戶為五十八口有奇可準周之中次自本朝元豐而紹興戶口率以十戶為二十一口以一家止於兩口則無是理蓋詭名子戶漏口者衆也昔陸宣公稱租庸調之法曰不校閱而衆寡可知自井田什一之後其惟租庸調之法乎理道要訣曰秦漢以降海內一家孝平元始桓帝永壽有隋大業唐家天寶戶口殷盛三代莫儔

通鑑地理通釋卷三

欽定四庫全書

通鑑地理通釋卷四

宋王應麟撰

歷代都邑攷

明王奉若天道建邦設都商邑翼翼四方之極作都邑攷

宓義都

帝王世紀宓義都陳春秋傳陳大皞之虛也今陳州

淮寧

府宛丘縣

摺古錄都宛丘

神農都

世紀神農氏亦都陳又營曲阜

曲阜在魯城中委曲長七八里

故春秋

稱魯大庭氏之庫今兗州

魯慶府

仙源縣

大庭氏古國在城內魯於其處

庫作

黃帝都

史記黃帝邑於涿鹿之阿括地志涿鹿山在媯州懷戎縣東南五十里涿鹿城在山側故城在州東南五十里本黃帝所都也世紀黃帝都涿鹿於周官幽州之域在

漢為上谷

世本云涿鹿在彭城然則上谷本名彭城武經總要涿州古涿鹿之野漢置涿郡

今

上谷有涿鹿縣及蚩尤城阪泉

括地志阪泉在媯州懷戎縣東五

十六里出五里至涿鹿東北與涿水合晉太康地志云涿鹿城東一里有阪泉上有黃帝祠

或曰黃

帝都有熊今河南新鄭是也

今鄭州新鄭縣

少昊都

世紀少昊氏自窮桑登位

外紀少皞青陽居江水邑于窮桑

春秋傳曰

遂濟窮桑在魯北

賈逵曰處窮桑以登為帝故天下號之曰窮桑蓋未為帝居魯北既而為

帝乃居魯登帝位後徙曲阜於周為魯周以封伯禽春秋傳

曰命伯禽而封於少皞之虛

注曲阜也在魯城內劉公幹魯都賦昔大庭氏肇建

厥居少昊受命亦都茲焉水經注曲阜少昊之墟有大庭氏之庫魯都賦曰戕武罷於有災之庫放戎焉於巨

野之垆或云金天國號

顓帝都

世紀顓頊氏自窮桑徙帝丘於周為衛春秋傳曰衛顓頊之虛也謂之帝丘今東郡濮陽是也濮陽故城在今

澶州

開德府

濮陽縣東

唐高宗封泰山次濮陽問此謂帝丘何也許敬宗曰昔帝顓頊始居

此地以王天下其後夏后相因之為寒浞所滅後昆吾氏因之而為夏伯昆吾既衰湯滅之至春秋時衛成公

自楚丘徙居之左氏稱相奪予享以舊地也由顓頊所居故曰帝丘通志顓頊都高陽皇覽顓頊冢在東郡濮

陽頓丘城門

通典棘城即顓頊之墟在營州柳城東南

一百七十里

晉載記慕容廆以大棘城即帝顓頊之墟也乃移居之

郡縣志高陽

故城在汴州雍丘縣西南二十九里

顓頊佐少昊有功受封此邑外紀顓

頊都衛故為帝丘後從高陽稱高陽氏

帝嚳都

世紀帝嚳都亳今河南偃師是也

通志高辛氏故都亦謂高辛史記正義高

陽高辛所興地名

書序湯始居亳從先王居注契父帝嚳都亳

括地志毫邑故城在洛州偃師縣西十四里本帝嚳之

墟商湯之都也輿地廣記河南府偃師縣帝嚳所都亦古毫邑也商有三毫成湯居西毫此即

一也周武王欲示休戎之意名曰偃師

帝堯都

世紀帝堯始封於唐今中山唐縣是也堯山在焉郡縣志定

州唐縣古唐侯國堯初封於此今定州北有故唐城唐水在西北入唐河南有望都縣山

即堯母慶都之所居也相去五十里都山一名亘山北登堯山南望都山故名縣曰望都地理志堯山在唐縣

南張晏以堯山在唐東北望都北史記堯作游成陽正義濮州雷澤縣是後又徙晉陽今太

原縣也於周在并州之域

通志今平定軍有古晉陽城是其地

及為天子

都平陽於詩風為唐國武王子叔虞封焉季札聞唐之

歌曰思深哉其有陶唐氏之遺民乎括地志今晉州所

治平陽故城是也

輿地廣記晉州臨汾縣本平陽隋改平陽河水一名晉水章昭云陶唐皆

國名或曰堯先居陶後居唐陶今廣濟軍定陶縣唐今中山府唐縣猶有唐城存焉或曰唐城在絳州翼城西

二里括地志定州唐縣堯後所封漢書音義唐今河東永安去晉四百里即昆也詩譜曰唐帝堯舊都之地今

曰太原晉陽堯始居此後遷河東平陽

書惟彼陶唐有此冀方

正義堯都平陽舜都

蒲坂禹都安邑相去不盈二百皆在冀州通志曰自開關以來皆河南建都雖黃帝之都堯舜禹之都於今皆

為河北在昔皆為河南大河故道自碣石入海碣石今平州也所以幽薊之邦冀并之壤皆為河南地周定王五年以後河道堙塞漸移南流至漢元光三年徙從頓丘入渤海渤海今濱滄間也李氏曰堯舜都冀地壤最濶今之邊境各在其內

帝舜都

史記舜耕厯山

書帝初于厯山往于田郡國志河東蒲坂有雷首山注縣南二十里有厯山舜

所耕處括地志蒲州河中府河東縣雷首山亦名厯山南有舜井又越州餘姚縣有厯山舜井濮州雷澤縣有厯山舜井又有姚墟云生舜處也姚州外城中有舜井城北有厯山皆云舜所耕處未詳也南豐曾氏曰鄭康成釋厯山在河東世之好事者因姚水出於雷首遷就附益謂厯山為雷首之別號不攷其實矣孟子謂舜東

夷之人則陶漁在濟陰作什器在魯東門就時在衛耕
歷山在齊皆東方之地合於孟子圖記謂齊之南山為

歷山舜所耕處故其**魚雷澤**括地志雷夏澤在濮州雷
城名歷城今濟南府

在濟陰地理志禹貢雷澤在濟陰成陽縣西北墨
子曰舜漁於獲澤通典澤州陽城縣有獲澤水

濱皇甫謐曰濟陰定陶西南陶丘亭是也今廣濟軍括
地志陶城在蒲州河東縣北三十里即舜所都也南

去歷山不遠**作什器於壽丘**壽丘在魯東門之北今在
何必定陶

宥生黃帝**就時於負夏**孟子云遷於負夏
於壽丘

女子媯汭媯水名在今河中府河東縣出歷山入河爾
雅水北曰汭括地志媯州有媯水源出城中

者舊傳曰即舜媯汭水經注世本曰舜居饒內在漢中
西城或言媯墟在西北舜所居也通典金州西城縣有

媯墟帝王世紀謂之姚墟世本曰饒汭古文尚書周語
羸內音媯汭括地志又云姚墟在濮州雷澤縣東十三
里會稽舊記云上虞三十
里有姚丘即舜所生也 嬪于虞 括地志故虞城在陝
里虞山之上今平陸縣皇甫謐曰堯以二女妻舜封之
於虞今河東太陽山西虞城是也 舜居虞地以虞為氏
郡國志太陽有吳山上有虞城括地志宋州虞城
縣舜後所封外紀本處虞之媯汭號曰有虞氏 世紀
舜所營都或言蒲坂即河東縣 今河東中府南二里河東
言平陽今晉州城是也或言蒲今
上谷媯州城是也外紀都蒲坂

夏都

皇王大紀禹都于安邑世紀鯀封崇伯國在秦晉之間

左氏傳趙穿
侵崇是也

禹受封為夏伯在禹貢豫州外方南於秦

漢屬潁川本韓地今河南陽翟是也

地理志陽翟夏禹國今潁昌府陽翟

縣有禹山輿地志宿州虹縣本夏丘縣堯封禹為夏伯邑於此

受禪都平陽或在安邑

今陝州夏縣本夏禹之都漢為安邑屬河東後魏改為夏縣郡縣志夏縣東北十五里安邑故城禹所都也

或在晉陽

左傳注夏虛大夏今太原晉陽

世本言夏后居陽城本在大

梁之南今陳留浚儀是也

劉熙云潁川陽城今屬河南按經傳夏與堯舜同在河北

冀州之域不在河南居陽城者自謂禹避商均時非都也外紀禹都安邑或云平陽亦云晉陽及韓啓筮享神於大陵之上是為鈞臺之享又並於晉之墟作璿臺於水之陽窳宇記禹自安邑都晉陽桀從安邑相徙

帝丘於周為衛

左傳衛遷于帝丘衛成公夢康叔曰相奪予享注相居帝丘今濮陽外紀

相為羿所逐失國居商丘依夏同姓諸侯斟灌斟尋按今

商丘當作帝丘蓋世紀之誤也地理志北海壽光縣注古斟灌禹後今灌亭是平壽縣注故斟尋禹後今斟城

是左傳注壽光東南有灌亭平壽東南有斟亭括地志斟灌故城在青州壽光縣東五十四里斟尋故城今青

州北海縣是也水經注地理志北海有斟縣京相璠曰故斟尋國禹後西北去灌亭九十里少康中

興復還舊都

胡氏曰少康靡鬲真人臣子哉經營四十年然後克殄元凶祀夏配天不失舊物

通典宋州虞城縣有輪城即少康邑在縣東南三十五里戰國策稱桀之居左天門

之險

上黨天井關即天門也

右天谿之陽成臯在其北伊洛出其

南吳起對魏武侯亦言桀之居左河濟右太華伊闕在

其南羊腸在其北

羊腸坂在太原晉陽西北九十里史記正義汲冢古文云太康居斟尋

亦居之桀又居之書云太康失邦兄弟五人須于洛此即太康居近洛也臣瓚云斟尋在河南蓋後遷北海也周書度邑篇武王問太公吾將因有夏之居即河南是也括地志故鄒城在洛州鞏縣西南五十八里蓋桀所居夏亭故城在汝州郊城縣東北五十四里蓋夏後所封
書湯誓注桀都安邑
鳴條之野地在安邑之西鳴條陌服虔曰陶唐虞夏之都大率相近不出河東之界

商都

世紀契始封商在禹貢太華之陽上洛商是也

括地志商州東

八十里商洛縣本商邑古之商國高所封漢弘農郡商縣世本曰邦居番水經注渭水東逕鹽都城北故瀋邑邦所居闕駟曰蕃鄭西今鹽城世本昭明居砥石荀子成相云邦玄王

生昭明居於砥石遷于商

注砥石地名未詳所在或曰即底柱也至相土乃遷商丘

相土徙商丘故陶唐氏之火正閼伯之所居也春秋傳

曰閼伯居商丘祀大火相土因之故商主大火謂之辰

故辰為商星

杜預云今梁國睢陽宋都括地志宋州城古閼伯之墟即商丘也今應天府宋城縣

相土昭明子也

書序湯始居亳從先王居

史記正義括地志云宋州穀熟縣西南三

十五里南亳故城即南亳湯都也宋州北五十里蒙城為景亳湯所盟地因景山為名河南偃師為西亳帝嚳

及湯所都盤庚亦都之湯即位居南亳後徙西亳孔安國云帝嚳都亳湯自商丘遷故曰從先王居通典曹州考城縣有北亳亦曰景亳詩正義皇甫謐云學者咸以亳在河洛之間今河南偃師西二十里有尸鄉亭是也謐考孟子稱湯居亳與葛為鄰案地理志葛今梁國寧陵之葛鄉今拱州之寧陵寧陵去偃師八百里而使亳衆為耕非其理也今梁國自有二亳南亳在穀熟即今南京之穀熟北亳在蒙即今拱州之考城古謂之蒙漢謂之薄非偃師也殷有三亳二在梁國一在河洛之間穀熟為南亳即湯都也蒙為北亳即景亳是湯所受命地偃師為西亳即盤庚所徙也立政曰三亳阪尹是也鄭康成注立政云三亳者湯舊都之民分為三邑其長居險故曰阪尹蓋東成阜南輟轅西降谷也是鄭以三亳為分亳民於三處非三處有亳地也杜預以景亳為周地河南鞏縣西南有湯亭或說即偃師也漢書音義臣瓚案湯居亳今濟陰薄縣以經無正文各為異說地

名變易難得而詳林氏曰鄭氏云亳在河南偃師鄭說可從蓋偃師在河南其地與周洛邑相近乃曰方朝觀貢賦道里取中之地商頌曰古帝命武湯正域彼四方邦畿千里維民所止商邑翼翼四方之極使非河南則頌未必如此周禮疏曰堯治平陽舜治安邑唯湯居亳得地中通志亳故京兆杜縣有亳亭是也杜城今在長安南故太史公云禹興西羌湯起亳也及湯有天下始居宋地復命以亳今南京穀熟是也書正義邦至湯八遷契居商昭明居砥石相土居商丘湯居亳有此四遷其餘四遷未詳聞也

仲丁遷于囂世

紀今河南之教倉是也

史記遷于囂正義括地志滎陽故城在鄭州滎澤縣西南十七

里殷時教地也世紀云仲丁自亳徙都教周時名北制在教山之陽後屬韓為滎陽縣

河賁甲居

相在河北括地志故殷城在相州內黃縣今屬大名府東南十三里即河賁甲所築都之故名殷城相州安

陽本盤庚所都即北冢殷墟南去朝歌城百四十六里
竹書紀年盤庚自奄遷于北冢曰殷墟南去鄆四十里
是舊都城西南三十里有洹水南岸三里有安陽城西
有城名殷墟所謂北冢也安陽城即相州外城水經注
洹水逕殷墟項羽與章邯盟于此地類要安陽縣本殷
墟所謂北冢者亶甲城在西北五里四十步洹水南岸
後魏天平四年立相州取祖乙圮于耿志為河所毀地理
河亶甲居相之義治鄆祖乙圮于耿志河東皮氏縣
耿鄉故耿國括地志絳州龍門史記祖乙遷于邢皇極
縣東南十二里耿城故耿國史記祖乙遷于邢經世
祖乙圮于耿徙居邢通典邢州祖乙遷於邢即此地亦
邢國也括地志邢國故城在邢州外城內西南角地理
志襄國縣故邢國今信德府龍岡縣書正義汲冢古文
云盤庚自奄遷于殷蓋祖乙圮於耿遷於奄括地志究
州曲阜縣盤庚五遷將治亳殷盤庚遷于殷曰先王不
奄國之地

常厥邑于今五邦

馬氏曰五邦謂商丘亳囂相耿也林氏曰序言五遷自湯至盤庚併數之

此言五邦又言今不承于古則是盤庚之前遷者有五考之前序但有亳囂相耿之四者併盤庚數之則盤庚歸亳不應謂之五邦太史公謂祖乙自耿遷邢汲冢紀年謂祖乙遷奄此與序庚不可據意者更有遷而史失之皇極經世盤庚五遷復歸于亳改號曰殷三代世表云徙河南世紀盤庚復南居亳之殷地今偃師是也周氏曰商人稱殷自盤庚始自此以前惟稱商而已自盤庚遷都之後於是殷商兼稱或只稱殷通志激水出陽城東至西華汝陽入于潁與潁水合流古人並謂潁為潁故命以殷焉詩補傳曰殷以潁水得名潁潁同音古潁水縣今陳州之商水縣也

史記武乙徙河北

二代世殷商兼商山潁水而言之

徙河北世紀武丁徙居朝歌今河內縣也酒誥明大命于妹邦孔氏云紂所都朝歌以北是通志紂居朝歌隋

改為衛縣隸衛州朝歌故城在縣西二十二里衛縣熙寧中省為鎮入黎陽戰國策殷紂之國左孟門而右漳釜前帶河後被山史記吳起曰左孟門右太行常山在其北大河經其南括地志紂都朝歌在衛州東北七十三里朝歌故城是也本林邑武丁始都之世紀云帝乙復濟河北徙朝歌其子紂仍都焉地理志河內本殷之舊都周既滅殷分其畿內為三國詩風邶庸衛國是也注自紂城而北謂之邶南謂之庸東謂之衛左傳注殷虛朝歌也世紀紂自朝歌北築沙丘臺沙丘在鉅鹿東北七十里括地志在邢州平鄉東北二里史記貨殖傳昔唐人都河東殷人都河內周人都河南夫三河在天下之中若鼎足王者所更居也

周都

世紀周后稷始封邰今扶風虢縣是也

地理志右扶風虢縣后稷所封括地

志故葦城一名武功城在雍州京兆府武功縣西南二十二里古邠國有后稷及姜嫄祠及公劉徙

邑於豳詩稱于豳斯館今新平漆之東有豳亭是也后稷

生不窋周語不窋失其官自竄戎狄之間括地志不窋故城在慶州弘化縣南三里即不窋在戎狄所居之城

也豳州新平縣即漢漆縣詩豳國公劉所邑之地郡縣志古豳城在邠州三水縣西三十里公劉始都之處通

典慶州安化縣尉李城在白馬兩川交口亦曰不窋城邠州開元十三年改豳為邠豳故邠邑是地理志右扶

風邠邑有豳鄉詩豳國公劉所都邠至太王避狄循漆邑故城在三水縣東北二十五里

水在鳳翔府普潤縣東入渭踰梁山括地志在雍州好時縣西北十八里

鄭康成云岐山西南好徙邑於岐山之陽西北岐城舊時熙寧中屬鳳翔府

趾是也詩稱率西水許至于岐下

康成云循西水涯沮漆水側也

南有

周原故始改號曰周

康成云周原在岐山之南詩閟宮曰居岐之陽地理志岐山在右扶

風美陽西北中水鄉周太王所邑括地志故周城一名美陽城在雍州武功縣西北二十五里即太王城也通

典美陽縣故城在武功縣北七里輿地廣記鳳翔府扶風縣岐陽鎮漢美陽縣地周太王邑於岐山之下即此

詩所謂居岐之陽也文王始亦治焉唐岐陽縣元和三年省入扶風郡縣志岐山亦名天柱山在鳳翔府岐山

縣東北十里孟子文王生於岐周

王季徙程書序曰維周王季宅程是

也孟子文王卒於畢郢史記正義周書云惟周王季宅郢郢故城在雍州咸陽縣東二十一里周之郢邑也

詩正義周書稱文王在程作程寤程典皇甫謐云文王徙宅於程蓋謂此也地理志右扶風安陵關駟以為本

州之程
邑也

文王受命徙都於鄠在今京兆之西詩既伐於

崇作邑於豐

說文鄠文王所都在京兆杜陵西南括地志周豐宮文王宮也在雍州京兆府鄠縣

東三十五里鄠康成云豐邑在豐水之西鎬京在豐水之東徐廣云豐鎬相去二十五里皆在長安南數十里

地理志鄠水出右扶風鄠縣東南通興岐州鳳翔府岐山縣文王徙於岐即此縣也孟子曰文王治岐尚書大

傳春子曰文王治岐詩皇矣曰度其鮮原居岐之陽在渭之將鄭氏箋在岐山之南居渭水之側後竟徙都於

豐正義云太王初遷已在岐山岐山之陽去舊都不遠豐則岐之東南三百里蘇氏云文王既克家須於是相

其高原而徙都焉所謂程邑是歟通典周文王作鄠今京兆府長安縣西北靈臺鄉豐水上是也殷有崇國在

鄠縣

武王徙都鎬

封文王子於鄠括地志鎬在雍州西北南三十二里瀉水源出長安縣西北

瀉池長安志在縣西北十八里通典今長安縣昆明池
北鎬陂是也詩宅是鎬京後漢志鎬在京兆上林苑中
孟康云長安西南有鎬池水經注鎬水上承鎬池於昆
明池北郡縣志周武王宮即鎬京也在長安縣西北十
八里自漢武帝穿昆明池於此鎬京遺趾淪陷焉穆天
子傳之于宗周注鎬京也通志周地西迫戎俗自岐之
豐自豐之鎬是西遠戎而東即華也程氏曰伐商作洛
皆步自宗周而往以其事告于豐廟康有酆宮之朝康
王雖仍都鎬其及伐紂營洛邑而定鼎焉今洛陽西南
受朝仍在豐地

洛水之北有鼎中觀是也史記周紀王曰自洛汭延于伊汭居易毋固其有夏之居

我南望三塗北望嶽鄙顧唐有河粵陽誰伊毋遠天室
營周居于維邑而後去太史公曰學者皆稱周伐紂居
洛邑綜其實不然武王營之成王使召公卜居九鼎
焉而周復都豐鎬周書度邑曰武王問太公曰吾將因

有夏之居南望過于三塗北瞻望于有河周公相成王以鄴鎬偏處西方乃

使召公卜居洛水之陽以即土中遂築新邑營定九鼎以為王之東都洛邑書我乃卜澗水東瀍水西惟洛食

注今河是為王城名曰東周

公羊傳王城者何東周也地理志王城本鄭鄆之地

或謂之鄭鄭春秋傳成王定鼎于鄭鄭河南是也今東門名鼎門蓋九鼎所從入也鄭山名鄭邑名桓七年王遷盟向之民于鄭襄二十四年齊人城鄭鄭王城括地志故王城一名河南城本鄭鄆周公新築在河南縣北九里苑內東北隅自平王以下十二王皆居此城至敬王乃遷都成周報王又居王城洛陽故城在洛陽縣東北二十六里周公所築即成周城也書我又卜瀍水東亦惟洛食注今洛陽也將定下都遷殷頑民故并卜之

周語靈王二十二年穀洛鬬將毀王宮韋昭曰洛水在王城南穀水在王城北東入于澠婁敬曰成王營成周都洛以為天下中諸侯四方納貢職道里鈞矣呂氏曰孔子序洛誥曰周公往營成周則成周乃東都總名河南成周之王城也洛陽成周之下都也王城非天子時會諸侯則虛之下都則保釐大臣所居治事之地周人朝夕受事習見既久遂獨指以為成周矣通典如鄆陌名

成王既卜營洛邑建明堂

朝諸侯復還鄴部故書序曰還歸在豐

歸于宗周

至懿王徙

犬丘

秦謂之廢丘

今京兆槐里是也

世本懿王居犬丘地理志右扶風槐里縣周曰

犬丘懿王都之括地志犬丘故城一名廢丘在雍州始平縣東南十里即周懿王所都漢高祖三年更名槐里

今京兆府興平縣秦紀非子居犬丘

厲王出于畤

今河東永安是也通典晉州霍邑縣漢畤縣詩

序宣王復會諸侯于東都王氏曰成王於洛時會諸侯而已宣王時會諸侯於東都而車攻謂之復古平

王徙居洛

洛誥所謂新邑也呂氏曰平王定都王城地理志初雒邑與宗周通封畿東西長而南北

短短長相覆為千里至襄王以河內賜晉文公又為諸侯所侵故其分墜小郡國志河南周公所城雒邑也春

秋時謂之王城東城門名鼎門北城門名乾祭注博物記王城方七百二十丈郭方七十里南望雒水北至陝

山地道記去及敬王避子朝之亂東居成周

子朝居王雒城四十里

敬王居狄泉在王城之東曰東王春秋曰天王入于成周

後六年王室定遷徙都成

周晉率諸侯之徒修繕其城以成周城小不受王都故壞翟泉以廣焉翟泉地在成周東北郡國志雒陽周時

號成周有狄泉在城中注摯虞曰古之周南今之雒陽世紀曰城東西六里十一步南北九里一百步通與狄

泉在今洛陽城東三十餘里呂氏曰洛都雖有二城而成周則其總名杜預孔穎達皆以下都為成周謂敬王繼子朝之亂自王城徙都之其說不然大可以包小小不可以包大苟成周信為下都之名則凡書之言洛皆謂之成周是以下都之名而包王城其不可信一也左氏未嘗有敬王自王城遷成周之明文第言子朝既逐王入于成周而已敬王請城成周之辭亦謂成王合諸侯城成周以為東都則成周者洛邑之總名明矣其不可信二也

至赧王又徙居西周
呂氏曰平王東遷之後所謂西周者豐鎬也東周者洛陽也周也威烈王之後所謂西周者河南也東周者洛陽也周紀考王封其弟于河南是為桓公以續周公之官職惠公封其少子於鞏以奉王號東周惠公注於是東有東西周世本西周桓公揭居河南東周惠公班居洛陽赧王時東西周分治西周河南也東周鞏也趙世家成侯八年與韓分周以為兩涂廣曰顯王二年周紀無此呂

氏曰東西周各為列國不復相關自是而後稱東西周君者皆謂二周君也本紀云報王時東西周分治非也報王時徙都西周耳

白虎通夏曰夏邑殷曰商邑周曰

京師

詩公劉京師之野朱文公曰京師高丘而衆居之也董氏曰所謂京師者起於此其後世因以所都

為京師曰孺子京依其在京則岐周之京也王配于京則鎬京也春秋所書京師則洛邑也皆仍其本號而稱之猶晉之云新絳故絳也洛邑亦謂之洛師正京師之意也林氏曰岐在邠西北無百里豳又在岐西北四百餘里豳在岐山東南二百餘里鎬在豳東二十五里方氏曰豳鎬宗廟所在故謂之宗周洛邑以王道成於此故謂之成周

秦都

秦紀非子居犬丘周孝王分土為附庸邑之秦

注今天水隴西

縣秦亭地理志今隴西秦亭秦谷是也括地志秦州清水縣本名秦羸姓邑漢屬天水郡水經注清水逕清水城南又西與秦水合水出東北大隴山秦谷歷三泉合成一水而歷秦山川有故亭秦仲所封也秦之為號始是秦水又西南歷隴川逕六槃口過清水城西南注清輿地廣記秦州隴城縣有秦谷郡縣志秦城在隴州東南二十五里莊公居其故西犬丘

世紀周懿王所都今槐里是也

平王封襄

公為諸侯賜之岐以西之地於是始國文公居西垂宮

東獵至汧渭之會乃卜居之占曰吉即營邑之

括地志故汧城

在隴州汧源縣南三里世紀云襄公二年徙居汧即此城郿縣故城在岐州鳳翔府郿縣東北十五里文公東

獵汧渭之會卜居之乃營邑焉即此城也
世紀文公徙汧今扶風郿縣是也
寧公徙居平陽

世紀郿之平陽亭是也括地志平陽故城在岐州岐山縣西四十六里秦寧公徙郿之處岐山縣有平陽鄉

內有平陽聚武公居平陽封宮正義云在平陽
城內水經注汧水逕郿夷縣逕平陽故城南
德公初

居雍城大鄭宮

卜居雍後子孫飲馬於河世紀今扶風
雍是也括地志岐州雍縣南七里故雍

城秦德公大鄭城也秦紀康公居雍高
寢桓公居雍太寢今鳳翔府天興縣
獻公城櫟陽徙

都之

世紀今馮翊萬年是也括地志櫟陽故城一名萬
年城在雍州東北百二十里漢七年分櫟陽城內

為萬年縣通典漢萬年縣在京兆府櫟陽縣東北二十
五里櫟陽故城是周明帝省萬年入廣陽更於長安城

中置萬年縣仍移廣陽縣入
舊萬年縣城即今櫟陽縣是
孝公作為咸陽築冀闕徙

都之

世紀漢元年更名新城屬扶風後並於長安故太史公曰長安故咸陽也元鼎三年復別為渭城今

長安西北渭水陽有故城西京賦秦里其朔寔為咸陽括地志咸陽故城亦名渭城在雍州咸陽縣東十五里京城北四十五里即秦徙都者今咸陽縣古之杜郵劉伯莊云其猶記事闕猶象魏也始皇置酒咸陽宮營作朝宮渭南上林苑中先作前殿阿房為閣道自殿下直抵南山為複道自阿房渡渭屬之咸陽自孝公至子嬰十世居咸陽

漢都

世紀漢高帝元年始為漢王都南鄭

屬漢中今興元府南鄭縣

二年

北徙櫟陽

地理志屬左馮翊秦獻公自雍徙括地志秦櫟陽故宮在雍州櫟陽縣北三十五里秦獻

公所造三輔黃圖高帝都七年徙都長安秦咸陽之地
長安未有宮室居櫟陽宮

京兆所治縣也

地理志長安縣高帝五年置
長安本鄉名今為永興軍治

其城狹小

惠帝元年更築廣之五年乃成

地理志六年成通典今
城西北古城是也括地

志長安故城在雍州長安縣西北三十
里漢之舊都本秦離宮長安故咸陽也高帝居雒陽南

宮婁敬說曰陛下都雒陽宜欲與周室比哉竊以為不

侔矣秦地被山帶河四塞以為固因秦之故資甚美膏

腴之地此所謂天府羣臣皆言不如都周帝疑未能決

留侯曰關中左殽函右隴蜀沃野千里南有巴蜀之饒

北有胡苑之利阻三面而固守獨以一面東制諸侯河渭漕輓天下西給京師所謂金城千里天府之國於是

帝即日駕西都關中

呂氏曰敬所談秦之形勢乃周之形勢也

翼奉上疏元

帝曰願徙都於成周左據成臯右阻黽池前鄉崧高後

介大河建滎陽扶河東南北千里以為關而入教倉地

方百里者八尤足以自娛東厭諸侯之權西遠羌胡之

難淮陽王更始元年都宛

今鄧州南陽縣

十月北都洛陽二年

遷都長安光武以武信侯封蕭王

今徐州蕭縣

即位於鄆南



千秋亭五成陌

更名高邑今趙州高邑縣後漢注即位壇在柏鄉縣柏鄉熙寧五年省入高邑

建武元年入雒陽幸南宮卻非殿遂定都焉

故成周之舊基城東

西六里十步南北九里一百步時人謂雒陽為東京獻

帝初平元年董卓遷都長安

郡縣志黃白城在京兆府三原縣西南十五里李傕

亂政天子東遷三輔飢歎乃移保黃白城即此地也秦曲梁宮在縣西南十五里黃白城內三原今屬耀州

建安元年還雒陽曹操遷帝于許

漢潁川許縣本許國魏文帝改曰許昌故

城在今潁昌府長社縣許田鎮南三十里唐屬許州後唐改許田熙寧四年省入長社

通志光武

又以南陽為別都謂之南都

張衡南都賦陪京之南居漢之陽摯虞曰南陽郡治

宛在京
之南

三國都

漢昭烈於沔陽立為漢中王即位武擔之南

沔陽故城在興元府

西縣西武擔山在成都府西

都成都

公孫述改蜀郡為成都劉焉為益州牧初治綿竹徙成都唐玄

宗幸蜀為

成都府

魏武為魏公都鄴

鄴縣漢為魏郡治後魏置相州隋文徙其居民

南遷四十里以安陽城置鄴縣本朝熙寧六年省入相州臨漳縣

文帝復都洛陽黃初

二年以譙為先人本國

今亳州譙縣

許昌為漢之所居長安

為西京之遺迹鄴為王業之本基與洛陽號曰五都

吳大帝屯吳

今平江府

建安十三年初鎮丹徒

今鎮江府丹徒縣

築

京城

南面西面各開一門因京峴號為京鎮在建業之北因門為京口

十六年徙治秣

陵十七年城楚金陵邑號石頭改秣陵為建業

今建康府上元

縣

黃初二年自公安

今江陵府

都鄂改鄂為武昌

今壽昌軍

黃龍

元年遷都建業陸遜輔太子登留武昌歸命侯甘露元

年徙都武昌後還都建業

滕牧留鎮武昌

晉都

晉武帝都洛陽

故洛陽城在今洛陽縣東二十里置司州

愍帝都長安元帝

南遷都建康

都城周二十里十九步本吳舊址晉江左所築但有宣陽門至成帝作新宮始

修城開陵陽等五門與宣陽為六蘇峻滅後宮闕荒殘溫嶠議遷

都王導曰建康帝皇所居孫仲謀劉玄

德皆云王者之宅不可改

宋齊梁陳都

宋因晉舊都於建康齊因宋梁因齊梁元帝興復即位

於江陵

將還建康胡僧祐等曰建業王氣已盡與虜正隔一江若有不虞悔無及也帝以建康彫殘江

陵全盛從僧祐等議詔王僧辯鎮建康

陳復都建康後梁蕭察都江陵稱

臣於魏為附庸

後魏都

拓跋氏東胡之後別部鮮卑

劉道原以為檀石槐兩部大人推寅之後

世居

北荒

因大鮮卑山為號鮮卑山在營州柳城縣東二百里棘城之東塞外亦有鮮卑山在遼西之北一百

里未詳孰是

力微遷定襄之盛樂

盛樂縣在朔州北漢志成樂

祿官分國

為三部

一居上谷北瀋源西東接宇文部自統之一居代郡之參合陂北使子猗屯統之一居定襄之

盛樂故城使猗盧統之

晉懷帝時劉琨表以猗盧為大單于封代

公徙馬邑

唐為朔州

城盛樂以為北都修故平城以為南都

愍帝進猗盧為代王

食代常山二郡通典今代州城後魏所置

賀傉始都東

木根山什翼犍更營盛樂

建國元年即位於繁峙北三年都雲中之盛樂宮四年築

盛樂城於故城南八里

秦苻堅殺寔君而分其國什翼犍之孫珪

立為代王

登國元年即位是為道武

都雲中在朔州北三百餘里

魏

地記雲中宮在雲中故城東四十里唐志單于府金河縣本道武所都秦漢雲中郡地

改代曰魏

自雲中徙都平城置司州代尹

天興元年遷都平城後漢注今雲州定襄縣通

典即今雲州隋雲內縣常安鎮也

孝文太和十九年遷洛陽以平城之

司州為恒州洛陽置司州河南尹二十年改為元氏後

孝武遷長安為西魏孝靜遷鄴為東魏

孝文經鄴登銅雀臺崔光曰鄴

城平原千里漕運四通有西門史起舊迹可以饒富請都之孝文曰鄴城非長久之地石虎傾於前慕容滅於後國富主奢暴成速敗且西有枉人山東有列人縣北有柏入城君子不飲盜泉惡其名也葉氏曰孝文慕容華風變夷俗始遷洛邑根本既虛隨即崩潰然則用夏變夷者聖人之道也以夷制夏者夷狄之利也失其利則棄反其常則滅焉得謂黎民懷之三才其舍諸

後周北齊都

周宇文氏繼西魏都長安

於長安城中置萬年縣唐高宗幸故長安城問侍臣秦漢

以來幾君都此許敬宗曰秦居咸陽漢惠帝始城之其後苻堅姚萇宇文周居之齊高氏繼東

魏都鄴

後魏置相州東魏初遷都置魏尹北齊改為清都鄴為上都晉陽為下都鄴縣省入臨漳縣

隋都

隋文帝都長安

長安縣開皇二年營建新都在漢故城

開皇二年營建新都在漢故城

之東南十三里

本後周京兆郡萬年縣界

南直終南山子午谷北據

渭水東臨灞漘西枕龍首原三年遷新都名其城曰大

興城

文帝初封大興公故以名正殿曰大興殿宮曰大興宮宮北苑曰大興苑改萬年縣為大興縣或曰

宮之大興殿本大興村故因用其名通典唐京城是也

呂氏曰西京記云大興城南直子午谷今據子午谷乃

漢城所直隋城南直石甃谷則已微西不正與子午谷對也六典京城東西十八里一百十五步南北十五里

一百七十五步皇城之南東西十坊南北九坊皇城

之東西各十二坊兩市居四坊之地凡一百十坊

東

通鑑地理通釋

三十一

都通典云故都城自周至隋大業以前常為都邑今都

城隋大業元年所築

兩京記煬帝登北邙觀伊闕曰此龍門耶自古何為不建都於此蘇

威曰以侯陞下大業元年自故都移於今所其地周之王城初謂之東京改為東都六典煬帝詔楊素宇文愷

移故都創造南直伊闕之口北倚邙山之塞東出澗水之東西出澗水之西洛水貫都有河漢之象東去故都

於故周之王城即今東都城也煬帝幸江都於揚州立

李淵立代王侑於長安王世充立越王侗於東都

唐都

高祖都長安

本隋都改大興殿曰太極殿大興縣復為萬年縣

六典京城左河

華右隴坻前終南後九變皇城在京城之中今謂之宮

城在皇城之北禁苑在大內宮城之北西內太極宮東內

大明南內興慶宮通典武德以來稱京城唐志天寶元年曰西京至德二

載曰中京肅宗元年曰上都兩京記高宗曰兩京朕東西二宅始作上陽

等宮武后定都洛陽昭宗天祐元年朱全忠遷唐都于洛

陽六典東都城左成臯右函谷前伊闕後邙山唐志貞觀六年

號洛陽宮顯慶二年曰東都光宅二年曰神都神龍元

年復曰東都天寶元年曰東京肅宗元年復為東都皇

城曰太微城宮肅宗至德二載以蜀郡為南京成都府鳳

翔為西京西京為中京上元元年置南都於荊州

為江陵府

寶應元年詔曰五都之號其來自久宜以京兆為上都

河南為東都鳳翔為西都江陵為南都太原為北都

唐志

北都天授元年置神龍元年罷開元十一年復置天寶元年曰北京上元二年罷肅宗元年復為北都六典京

兆河南太原為三都

五代都

梁朱晃以汴州宣武節度建國升為東都開封府

以唐東都

為西都廢京兆府為雍州

後唐莊宗即位於魏州

同光二年升魏州為東京興唐

府三年改
為鄴都

滅梁遷洛京

元年以太原為西京鎮州為北
都又復北都為鎮州太原為北

都復汴州為宣武軍永平軍
為西都二年以洛京為東都

晉石敬瑭鎮太原即位

都洛陽徙都汴

行開以大寧宮為名升汴州為東京開
封府以洛陽為西京雍州為晉昌軍改

興唐府為廣晉
府復為鄴都

漢劉勗即位於太原都汴

改晉昌為
永興軍廣

晉為大
名府

周郭威都汴

廣順二年修大梁城三年築郊
社壇作太廟於大梁顯德元年

廢鄴都二年以大梁
城中迫隘詔展外城

宋朝四京

東京開封府舊城

即汴
州城

唐建中初李勉築

周回二十五
里一百五十

步本朝曰闕城亦曰裏城

新城周顯德三年韓通築

周回四十八里二百三十三步

本朝曰國城亦曰外城

大內據闕城之西北宮城周回五里

即唐宣武

節度治所梁為建昌宮晉為大寧宮建隆三年廣皇城之東北隅按洛陽宮殿圖修之乾德三年導五丈河通皇城為池祥符九年增築新城熙寧八年重修都城太祖生於洛陽有遷都之意晉王言非便太祖曰朕將西遷者欲據山河之固而去冗兵王又言在德不在險太祖曰不出百年天下民力殫矣范文正公曰太平則居東京輻湊之地以便天下急難則守西洛山河之宅以保中原通志曰汴西戰之地受敵最深魏東徙治梁王假被虜一國為魚梁末帝之禍尤深王假靖康之難幾於石晉

西京河南府開寶八

年修洛陽宮室九年幸西京四月有事南郊京城周回

五十二里大內據京城之西北宮城周回九里三百步

南京應天府關伯所居商丘周為宋國漢為梁國隋唐

為宋州太祖以歸德軍節度使即位定有天下之號曰

宋景德四年升應天府祥符七年升南京

正殿曰
歸德

高宗

即位于此 北京大名府漢屬魏郡後周置魏州唐置

天雄軍後唐建鄴都曰興唐府晉建鄴都曰廣晉府後

漢曰大名府

輿地廣記左傳晉賜畢萬魏卜偃曰魏太
名也其地於今為河中之永樂非元城之

魏也漢以大名此失矣今按舊唐書田
悅稱魏王以魏州為大名府其失始此

慶厯二年升

為北京

正殿曰班瑞

中興行都

建炎元年幸揚州三年幸杭州進幸江寧改江寧為建

康府四年幸溫州復幸越州紹興二年以杭州為臨安

府幸臨安三年營建康行宮

即舊府治張浚謂人主居此則北望中原常憤惕不

敢暇

四年進幸平江府五年還臨安六年又幸平江七

年進幸建康八年復還臨安

遂定都

三十一年幸建康三

十二年還臨安

真氏曰國家南渡駐蹕海隅何異越棲會稽之日宗廟宮室本不應過飾禮樂

文物本不應告備惟當養民撫士之意復讐而秦檜乃以議和移奪上心粉飾太平沮鑠士氣士大夫養於錢塘湖山歌舞之娛無復故都黍離麥秀之歎此檜之罪所為上通於天而不可贖也朱文公曰建康形勢雄壯然淮破則只隔一水欲進取則可都建康欲自守則莫若都臨安建康形勢勝於臨安張浚欲都建康趙鼎入相遂定都臨安

邵子曰三皇春也五帝夏也三王秋也五伯冬也七國冬之餘洊也漢王而不足晉伯而有餘三國伯之雄者也十六國伯之叢者也南五代伯之借乘也北五朝伯之傳舍也隋晉之子也唐漢之弟也隋季諸郡之伯江

漢之餘波也唐季諸鎮之伯日月之餘光也後五代之伯日未出之星也

五伯

夏伯昆吾

杜氏云東郡濮陽縣唐武德四年析濮州濮陽置昆吾縣八年省濮陽縣今屬開德府括

地志昆吾故城在縣西三十里

商伯大彭

今徐州彭縣

豕韋

或謂之韋杜氏云東郡白馬縣

東南有韋城今滑州韋城縣

周伯齊桓

世家太公都營丘括地志營丘在青州臨淄北百步外城

中水經注臨淄城中丘之名胡公徙都薄姑括地志薄姑城在青州博昌縣

今博興縣東北六十里薄姑氏本殷諸侯國地理志琅邪姑幕縣應劭曰薄姑氏之國後漢注姑幕故城在密

州莒縣東北獻公徙薄姑都治臨菑與地
廣記青州臨淄縣城臨淄水即營丘也

晉文

叔虞封

志故唐城在絳州翼城縣西二十里即堯裔子所封子
襄為晉侯徙居晉水傍在并州晉陽縣北二里詩譜云
襄父以堯墟南有晉水改曰晉侯穆侯自晉陽徙都絳
孝侯改絳為翼一名故絳在絳州翼城東南十五里後
為曲沃武公所并自曲沃徙都之獻公又命曰絳後魏
為北絳縣隋改曰翼城景公遷新田又謂新田為絳括
地志絳邑故城漢絳縣本晉都新田在絳州曲沃
縣南二里因絳山為名通志新田今絳州絳縣

十二諸侯

太史公曰齊晉秦楚其在成周微甚封或百里或五十
里晉阻三河齊負東海楚介江淮秦因雍州之固四國

佚興更為伯主文武所褒大封皆威而服焉譜十二諸

侯自共和訖孔子

魯都曲阜

括地志兗州曲阜縣外城即魯公伯禽所築祥

符中改曲阜為仙源

齊晉

秦

楚

宋都商丘

世本宋更

名曰睢陽正義今宋州宋城縣

衛都朝歌

故城在衛州衛縣西二十里衛縣今省入濬州黎

陽戴公廬于曹

亦作漕今滑州白馬是也

齊桓城楚丘而居文公焉

括地志楚丘滑州衛南縣今屬開德府

成公遷帝丘

濮陽

元君徙野王

正義懷州

城古野王邑也

陳都宛丘

今陳州治

蔡本畿內之地為蔡叔之采

邑

孔安國云叔封圻內世本叔居上蔡書正義圻內蔡地不知所在

蔡仲改封汝南采

子云胡徙居新蔡杜預云武王封叔度于汝南上蔡括地志蔡州上蔡縣在州北七十里古蔡國外城叔度所

都城也有蔡岡在平侯徙都新蔡蔡州新蔡縣昭侯徙州來

以州來為下蔡汝南為上蔡州來即下蔡縣今壽春府治曹都曹今廣濟軍鄭桓

公友初封於鄭括地志故城在華武公取虢鄆十邑之

地居之今河南新鄭是也今鄭州新鄭縣燕後見吳都吳世本

吳熟哉始居蕃離宋忠注熟哉仲雍也蕃離今吳餘暨縣正義太伯居梅里在常州無錫去東南六十里至十

九世孫壽夢居之號句吳諸樊南徙吳至光使子齊築闔閭城都之今蘇州也世本熟移丹徒句吳家楚徙吳

宋忠注句吳太伯所居地名索隱云表言十二實叙十三者賤夷狄不數吳吳越春秋太伯起城周三里

二百步外郭三百餘里在西北隅名曰故城闕閭元年
造大城周回二十七里築小城周十里橐宇記太伯初
適吳築城在平門外太伯至王僚二十三年都之今常
州無錫縣東南四十里有吳太伯城是也闕閭始築吳
郡城都之今蘇州城是通典常州無錫注
太伯始居此地蘇州注闕閭以後都于此
越都會稽
今會稽城亦謂句踐徙都琅邪在密州諸城縣
東越見春秋凡六其三稱越皆在昭公之時其三稱於
越二在定公一在哀公之時蘇氏曰十二諸侯首魯訖
吳賢十三國而越不與焉不知中國禮樂絕而棄之通
典吳之都其南百
四十里與越分境

六國

趙之先造父封趙城

今晉州趙城縣

晉獻公賜趙夙耿

今河府龍門

縣東趙襄居原括地志故原城在懷州濟源縣西北二里今屬孟州簡子居晉陽

今太獻侯治中牟索隱曰在河北非鄭之中牟敬侯元年始都邯鄲

今礪州縣魏晉獻公以魏封畢萬魏城在陝州芮城縣北五里漢河北縣輿地廣

記河中府永樂縣古魏國唐分芮城置水經注永樂澗水北出于薄山南流逕河北縣故城西故魏國也晉以

封畢悼子徙治霍晉州霍邑縣魏絳徙治安邑在陝州夏縣又解州縣

武侯二年惠王三十一年徙治大梁今開封府祥符縣稱梁王

韓武子封於韓原今同州韓城縣宣子徙居州漢河內州縣括地志懷州

武德縣本周司寇蘇忿生之州邑也貞子徙居平陽晉州

熙寧六年省武德為鎮入河內縣

臨汾縣世本云

景子徙平陽

哀侯二年滅鄭因徙都鄭

改號曰鄭今鄭州新鄭縣

戰國策謂韓惠

王曰鄭惠王

齊田和立為齊侯都臨菑

地理志臨菑名營丘

故齊詩曰子之營兮

楚熊繹當周成王時封於楚蠻居丹陽

徐廣

曰在南郡枝江縣今江陵府括地志歸州巴東縣東南四里歸故城楚子熊繹之始國也與地志秭歸縣東有

丹陽城周迴八里熊繹始封也

文王始都郢

括地志紀南城在荊州江陵縣北五十里杜氏云

郢今南郡江陵縣東北紀南城是括地志平王城郢在江陵縣東北六里故郢城是也昭王去郢北

徙都荊

括地志楚昭王故城在荊州樂鄉縣東北三十里與地廣記都縣故都國春秋時自商密遷

此為楚附庸楚滅之昭王畏吳自郢遷焉後復還郢唐改為樂鄉周省入宜成縣今襄陽府

襄王二

十三年秦拔郢東北保於陳城今陳州考烈王二十二年

東徙都壽春命曰郢今安豐軍壽春縣項梁立楚懷王孫心為

楚懷王都盱台今招信軍項羽尊懷王為義帝徙長沙柳縣

今柳州荆自文王始見於春秋僖元年始稱楚燕武王

封召公於北燕都薊幽州薊縣至微逼介司馬公曰春秋時北燕

太史公世家以媾姓之燕仲父伐周惠王者為北燕誤矣括地志燕山在幽州漁陽縣東南六十里國都城記

地在燕山之野故國取名焉輿地廣記武王封帝堯之後於薊又封召公於北燕其後燕國都薊詩補傳曰薊

後改為燕猶唐之為晉荆之為楚或曰黃帝之後封於薊者已絕成王更封召公奭于薊為燕蘇氏曰周衰

姬姓復興者三國燕韓魏皆據地千里戰國策安邑者魏之柱國也晉陽者趙之柱國也郢鄢者楚柱國也柱國都也

十八王

漢異姓諸侯表據漢受命譜十八王西楚霸王項籍都

彭城

今徐州縣

衡山王吳芮都邾

今黃州黃岡縣東南

臨江王共敖都

江陵

江陵府縣

九江王英布都六

安豐軍安豐縣

常山王張耳都襄

國

邢州龍岡縣

代王趙歇都代

蔚州

臨淄王田都都臨淄

青州縣

濟北王田安都博陽

在濟北

膠東王田市都即墨

萊州膠水縣南

雍王章邯都廢丘

京兆府興平縣

塞王司馬欣都櫟陽

京兆府縣翟

王董翳都高奴

在廊州北今延安府膚施縣金明寨

燕王臧荼都薊遼

幽州

東王韓廣都無終

薊州玉田縣

魏王魏豹都平陽

晉州城西南北面

殷王司馬卬都朝歌

衛州衛縣今濬州黎陽縣衛鎮

韓王韓成都陽翟

今潁昌府縣

河南王申陽都雒陽

今河南府

西漢末羣雄割據

赤眉樊崇立劉盆子於長安居長樂宮

彭寵據漁陽

稱燕王

今薊州

王郎稱帝於邯鄲

今磁州

劉永據睢陽

為梁王稱帝

今應天府

盧芳據安定稱西平王

匈奴立為漢帝今涇

州

隗囂據天水為朔寧王

今秦州初據平襄後保冀縣

秦豐據

黎丘號楚黎王

今襄陽府宜城縣黎丘城

張步據臨淄為齊王

今青

州

董憲據東海為海西王

今海州

李憲據廬江稱淮南

王

今廬州

公孫述據成都為蜀王稱帝號成家

今成都府

十六國

涼

蜀

趙

後趙

燕

秦

後燕

後秦

西秦

秦

後涼

南涼

南燕

西涼

北涼

夏

北燕

晉載記劉淵以惠帝永興元年據離石今石州稱漢永嘉二年

徙都蒲子今隰州隰川縣劉曜徙都長安國號曰趙謂

前趙曜子嗣奔上邽李雄以永興元年稱成都王僭帝位建國為成壽改

為漢謂之後蜀後九年石勒據襄國今邢州龍岡縣稱趙石虎據鄴今

趙張氏先據河西張軌據姑臧今涼州是歲自石勒後三十六年

也重華自稱涼王據敦煌今沙州謂之前涼後一年冉閔據鄴稱魏

後一年苻健據長安稱秦永和八年僭位苻丕稱帝于鄴苻登稱帝于隴東南安郡

慕容氏先據遼東虜遷於徒河之青山移居棘城通典漢徒河縣之青山在營州城東百九

十里棘城在營州城東南一百七十里稱燕是歲自苻健後一年也僞始

僭號號以咸康三年即燕王位築龍城改柳城為龍城

縣有和龍城通志即大遼之黃龍府也僞都薊以永和八年僭位自薊城遷于薊謂之前燕後三十

一年後燕慕容垂據鄴都中後秦姚萇據長安後二年

西燕慕容冲據阿房縣有阿房宮是歲也乞伏國仁據

枹罕今河州稱秦都枹川通典在蘭州五泉縣後曰子城

蘭州謂之西秦水經注枹川水出勇士縣之子城南山東北流世謂之子城川又北逕牧師苑故漢牧苑之地

也有東西二苑城相去七里西城即乞伏所都也後一年慕容永據上黨稱帝

於長子

今潞州隆德府

是歲呂光據姑臧稱涼

謂之後涼

後十二年

慕容德據滑臺

今滑州

稱南燕

都廣固今青州益都縣西

是歲禿髮烏

孤據廩川

葉廩川堡以都之隆安元年稱西平王水經注漢水又西南合焉廩川水隗囂奔西城從

楊廣後人

以廣為廩置楊廣縣水出西谷東南流逕西城縣故城北後漢注西城縣屬漢陽郡一名始昌城在

今秦州上

稱南涼

烏孤更稱武威王後三歲徙于樂都通典鄯州湟水縣有湟水一名樂都

水後魏置鄯州後周置樂都郡今為西寧州又云烏孤都廣武張駿置廣武郡蘭州廣武縣也唐更名金城縣

利鹿狐徙居西平後漢西平郡故城在鄯州鄯城縣西今西寧州以隆安五年稱河西王儁檀以元興元年號

涼王遷樂都

段業據張掖

今甘州

稱北涼後三年李昌據

敦煌稱西涼

遷酒泉
今肅州

後一年沮渠蒙遜殺段業稱涼

張都

掖遷姑臧
謂之北涼

後四年譙縱據蜀稱成都王後二年赫連勃

勃據朔方都統萬

今夏州

稱大夏

赫連定僭號於
平涼今渭州

後二年

馮跋據和龍

營州
柳城

稱北燕為戰國者一百三十六載

何氏

曰晉之興中原半為夷居劉淵匈奴也而居晉陽石勒羯人也而居上黨姚氏羌也而居扶風苻氏氏也而居臨渭慕容鮮卑也而居昌黎是以劉淵一倡而并雍之胡乘時四起邵子曰晉室之禍本於夕陽亭之一言石勒長嘯于上東門亦悠悠爾蘇氏曰劉石慕容苻之傳覆亡相繼遠者不過一傳再傳而滅何也其心固安於無法也而束縛於中國之法中國之人固安於法也而苦其無法君臣相戾上下相厭安能久乎晉取三焉

蜀南燕
後秦

隋末羣雄割據

鄭

王世充據東都河南府

魏

李密據鞏河南府縣

梁

蕭銑據江陵

夏

竇建德據樂壽瀛州縣遷

都

洛陽高開道據燕陽薊州

漁

梁

梁師都據朔方

夏州

涼

李軌據武威

秦

薛舉

據

金城蘭州

永樂

李子

和

據榆

定

楊

劉武周據

馬

邑

為

漢

東

劉黑闥

吳

李子

通

據

江

吳

杜伏威據

歷

梁

沈法興起

吳

興

今

安吉州

宋

輔公祐據

丹陽

即

陳

楚

朱粲據

南

元興

操師乞據

豫

章

今

隆興府

楚

林士弘據

虔

魯

徐圓朗

據

兗

州

十國

歐陽公曰自唐失其政天下乘時黥髡盜販袞冕峨巍
吳暨南唐姦豪竊據蜀險而富漢險而貧貧能自彊富
者先亡閩陋荆威楚開蠻服剽剥弗堪吳越其尤牢姓
視人嶺蜚遭劉百年之間竝起爭雄山川亦絕風氣不
通語曰清風興羣陰伏日月出燭火息故真人作而天
下同

職方考梁初天下別為十一國南有吳

楊行密
浙錢鏐

荆高季興湖馬殷閩王審知漢劉隱西有岐李茂貞蜀

王建北有燕劉仁恭晉李克用至於周末在者七國自

江以南二十一州為南唐自劔以南及山南西道四十

六州為蜀自湖南北十州為楚自浙東西十三州為吳

越自嶺南北四十七州為南漢自太原以北十州為東

漢而荆歸峽三州為南平劉道原十國紀年吳楊行密都

廣唐李昇後稱江南都金陵前蜀王建成都後蜀孟知祥成都吳越

錢鏐王審知漢劉隱楚馬殷荆南高季興南平江陵北漢劉

五代史曰東漢太原

王延政以建州稱殷

即閩也

胡文定公曰避寇而徙都未有能復振者周自豐鎬徙于東洛而不振魏自安邑徙于大梁而不振楚自渚宮徙于陳蔡而不振劉嗣自咸陽徙于上邽而不振赫連定自統萬徙于北地而不振李景自秣陵徙于豫章而不振故中夏定都必與俱存而不動

李氏紀曰後唐李氏有淮南則可都

金陵其後失之遂以削弱

通鑑地理通釋卷四

欽定四庫全書

史部
通鑑地理通釋卷五
七

詳校官修撰臣錢榮

洗馬臣王坦修覆勘

總校官庶吉士臣何思鈞

校對官中書臣朱 烜

謄錄監生臣趙廷麒

欽定四庫全書

通鑑地理通釋卷五

宋 王應麟 撰

十道山川攷

禹貢定高山大川以別九州之境職方爾雅取法焉山
川萬古不易州縣隨時變遷後之志地理者附山川于
注失其綱領唯唐六典叙十道得禹貢遺意今釋其地
以備參攷山川能說九能之一或庶幾焉

關內

東距河

班固西都賦帶以洪河注書曰導河自積石南至于華陰

西極隴坂

隴坂即隴坻今之隴山應劭曰隴西郡有隴坻在其西

見後

杜篤論都賦置列汧隴雕偃西戎西京賦右

有隴坻之隘

注應劭曰天水有大坂曰隴坻

南據終南之山

西都賦表以太華終南之山地理志武功縣太一山

古文以為終南張衡西京賦終南太一隆崛崔嵬

注五

經要義太一一名終南山在扶風武功縣北云終南太一不得為一山明矣蓋終南山之總名太一一

山之別號郡縣志終南山在京兆府萬年縣南五十里按

經傳所說一名太一亦名中南

據西京賦云西征賦云九峻嶺嶺太一龍

從面終南而背雲陽跨平原而連嶠冢然則終南太一非一山也

左傳中南九州之

險也柳宗元謂據天之中在都之南西至于褒斜又西至于隴首以臨于戎東至于商顏又東至于太華

以距于關其物產之厚器用之出則璆琳琅玕夏書

載焉紀堂條梅秦風詠焉

終南山又在鳳翔府郿縣南三十里

北邊沙漠

唐世突厥薄渭橋吐蕃入奉天邇戎狄故也

名山 太白

在鳳翔府郿縣東南五十里

漢武功縣地

柳宗元碑云其

地寒冰雪之積未嘗已水經注地理志武功縣有太

一山古文以為終南杜預以為中南亦曰太白山在

武功縣南去長安二百里俗云武功太白去天三百
杜彥達曰太白山南連武功山於諸山最為秀桀冬
夏積雪望之皓然

韓愈南山詩西南雄太
白唐田游巖入太白山

九峻

在京兆府醴泉縣漢左馮翊谷口縣也

谷口縣九
峻山在西谷

口故城在醴泉東北四十里西都賦冠以九峻陪以
甘泉西京賦九峻甘泉涸陰沍寒水經注涇水東經
九峻山東中山西謂之谷口

吳山

職方雍州山鎮嶽山在隴州吳山縣西南五十里謂

之吳嶽唐為西鎮

禹貢導岍漢志以為扶風汧縣吳山按隴州汧源縣有岍山岍水所

出非吳山也

岐山

在鳳翔府岐山縣東北十里亦名天柱山漢右扶風美陽縣西北周太王所邑文王始亦治焉西京賦注說文曰岐山在長安西美陽縣界山有兩岐故因以

名焉周之興也鷺鷥鳴於岐山成王有岐陽之蒐石
鼓文在天興縣南二十里石形如鼓其數有十常應
物詩謂宣王大獵岐陽韓愈歌亦云蒐岐陽其文可
見者四百六十五

呂氏春秋九山之一
山在崑崙東南為地乳

河圖曰岐
岐陽鎮

詩所謂居
岐之陽也

梁山

在京兆府奉天縣北五里

漢志有扶風好畤縣有梁山
九域志奉天縣鳳翔

府好畤縣
有梁山

古公踰梁山秦立梁山宮又同州韓城縣

南十九里亦有梁山漢左馮翊夏陽縣西北詩韓奕

所謂奕奕梁山也爾雅以為晉望

薛氏禹貢解曰梁山在同州韓城縣

而乾州好時縣亦有梁山在
邠岐間非禹貢之梁山也

秦華

在華州華陰縣南八里山海經華首之山西六十里

曰太華之山削成而四方其高五千仞其廣十里

太華

西八十里少華之山西京賦綴以二華少華山在華州鄭縣東南十里

唐玄宗銘曰雄

峰峻削函苞森爽是曰靈嶽衆山之長偉哉此鎮崢

嶸中土高標赫日半壁飛雨華嶽題名五百十一人

再題三十一人自開元訖清泰

獨孤及仙掌銘巨靈
崩肩高掌遠蹠以流

河曲厥跡猶存巨靈河神也遁甲
開山圖曰巨靈能造山川出江河

大川 涇

出原州百泉縣開頭山東南至京兆府高陵縣入渭

職方雍州川論都賦帶以涇渭號曰陸海

山海經出
長城北山

渭

出渭州渭源縣

今熙州
渭源堡

烏鼠山東至華州華陰縣入

河山海經鳥鼠同穴之山渭水出焉東流注于河水
經出南谷山在鳥鼠山西北職方雍州浸郡縣志在
京兆萬年縣北五十里論都賦鴻渭之流徑入于河
大舩萬石轉漕相過潘岳西征賦北有清渭濁涇黃氏
曰渭水出熙州狄道縣鳥鼠同穴山東南至華州華陰縣入河

灞

出藍田谷北入渭在京兆府萬年縣東二十一里西
征賦南有立灞素澹

通典荆溪下流也故滋水秦穆公更名以顯霸功

郡縣

志即秦嶺之下流東南自商川上洛縣界流入又西北流合澧水入渭白鹿原在萬年縣東二十里亦謂之霸上

澧

亦出藍田谷北至萬年縣入渭水經北入于灊

注云北歷

藍田川北流注于霸水

上林賦終始霸產唐望春宮臨澧水

常堅

治漢隋運渠絕灊澧並渭而東至永豐倉與渭合

長樂坡

在萬年縣東北十二里即澧川之西

岸

本澧陂

隋文帝更名

遠夷控北蕃突厥

吐蕃本西羌屬散處河湟江岷間或曰南涼禿髮利
鹿孤之後突厥古匈奴北部居金山之陽其地三垂
薄海南抵大漠

河南

東盡于海

古青徐之域

西距函谷

古函谷關在陝州靈寶縣函谷故城在縣南十里東
自崤山西至潼津通名函谷號曰天險所謂秦得百
二也

南瀕于淮

古徐州之域

北薄于河

古豫兗之域洛陝負河而北虢汝許鄭負河而南

名山 三嶠

又名嶽崙山在河南府永寧縣北二十八里自東嶠

至西嶠二十五里

呂氏春秋九塞之一

輿地廣記二嶠山連入

硤石界其南陵夏后皋之墓其北陵文王之所避風

雨春秋晉敗秦師于穀陝州石壕鎮本穀縣後魏置

唐改硤石

誦訓掌道方志以詔觀事若魯有大庭氏之庫穀之二陵

少室

在河南府登封縣四十里漢潁川密高縣也在告成

縣西北五十里漢陽城縣述征記漢武築登仙臺

砥柱

俗名三門山在陝州硤石縣東北五十里黃河中山

有三門河所經唐太宗勒銘

硤石省入陝縣

山在河中形若

柱水經注謂禹所鑿

禹貢導河積石至于龍門又東至于砥柱李齊物鑿砥柱為

門以通漕

裴耀卿鑿漕渠以避三門之險

隋開皇十五年鑿砥柱宋乾德元年鑿砥柱

蒙山

在沂州費縣西北八十里

楚老萊子所耕處

禹貢蒙羽其藝

詩奄有龜蒙漢泰山郡蒙陰縣西南

東蒙山在費縣西北七十五里

類史為東蒙
主近於費

嶧山

一名鄒山在兗州鄒縣南二十二里郡縣志秦始皇

觀禮于魯刻石於嶧山禹貢嶧陽孤桐詩奄有鳧繹

太史公鄉射鄒嶧
晉郝鑒避難
嶧山中鎮鄒山後自嶧山奔下邳

嵩

在河南府登封縣北八里漢潁川密即嵩高縣也一

曰太室山是為中嶽
晉司馬侯曰太室九州之險也
漢武帝禮登太室
郡縣志東

曰太室西曰少室嵩高總名即中嶽也山高二十里
周迴一百三十里少室山在縣西十里啓母祠縣東
北七里漢武帝祀中
嶽見夏啓母石是也

岱

職方兗州山鎮岱山泰山也一曰岱宗在襲慶府奉

符縣西北三十里

唐兗州
乾封縣

漢泰山郡博縣西北

漢官
儀泰

山東南名曰日觀管仲曰古者封泰山禪梁父
者七十二家社首山在縣西北二十六里

大川 伊

出商州上洛縣熊耳山東北至河南府洛陽縣南北

入于洛

郡縣志伊水在河南縣東南十八里

秦三川郡謂河洛伊

山海經蔓

渠之山伊水出焉東流注于洛

洛

職方豫州川出商州洛南縣冢領山至河南府鞏縣

入河

郡縣志在洛陽縣西南三里西自苑內上陽之南彌漫東流

繫辭曰洛出書

禹貢豫州伊洛入于河

伊水入洛洛水入河

山海經謹舉之山

雒水出焉東北流注于玄扈之水

河圖曰玄扈洛汭

冢嶺山

在河南縣西七十里洛水所出

汝

出汝州梁縣天息山逕蔡潁州入淮爾雅汝為潁

潁

出河南府陽城縣陽乾山東至壽春府下蔡入淮

皆古

豫州地職方以
為荊州浸未詳

山海經出少室

黃氏曰出河南登封
陽乾山東南流至潁

川潁上

縣入淮

沂

出沂州沂水縣艾山南至下邳西南入泗禹貢徐州

淮沂其乂職方青州浸曾氏曰徐州水以沂名者非
一酈道元謂水出尼丘山西北徑魯之雩門亦謂之
沂水水出泰山武陽之冠石山亦謂之沂水禹貢廣
記曰沂水經下邳縣分為二水一水於城北西南入
泗一水經城東屈曲從縣南亦注泗謂之小沂水

泗

職方青州川出襲慶府泗水縣桃墟西北陪尾山源
有泉四四泉俱導因以為名西南過彭城又東南過

下邳入淮禹貢泗濱孔子宅在曲阜縣

今仙源縣

故魯城

中歸德門內闕里之中背洙泗嬰相圃之東北太史

公北涉汶泗講業齊魯之都觀夫子遺風

淮

職方青州川出唐州桐栢縣桐栢大復山東南至盱

眙軍招信縣入海水經云出南陽平氏縣胎簪山

禹自

桐栢導之耳桐栢縣漢平氏縣東界

濟

職方兗州川沛

當以古文沛字為正

出絳州垣曲縣王屋山東

南始發源曰沅水既見而伏東出於孟州濟源縣二

源東源周廻七百步西源周廻六百八十五步合流

至溫縣是為濟水西南入于河山海經出共山南東

丘酈道元謂當王莽之世川瀆枯竭但入河而已不

復截流而南

古說濟水伏流地中

通典禹貢濟水洙為滎今不

復入滎

遠夷控海東新羅日本

新羅魏時新盧國本辰韓種辰韓始有六國稍分為
十二新羅其一也國在百濟東南東濱大海兼有沃
沮不耐韓濊之地倭自後漢通焉在帶方東南大
海中依山島居一名日本自云國在日邊故以為稱
河東

東距常山

左傳晉表裏山河常山見後

西據河

河至慈州文城縣孟門山是為入龍門至絳州汾州
合河之上是為出龍門口柳子晉問晉之故封黃河
迤之

南抵首陽太行

雷首山在河中府河東縣本蒲坂舜都也夷齊居其
陽所謂首陽山也

山南曰陽

石曼卿詩謂耻生湯武干戈

日寧死唐虞揖遜區詩唐風采苓首陽

太行山在懷州河內縣西北

亘十州之界

連亘河北諸州

始於

懷而達
於幽

為天下之脊一名皇母一名女媧其上有女

媧祠

寰宇記在河內縣北二十五里郡縣志太行陞在縣西北三十里

崔伯陽感山

賦曰上正樞星下開冀方逢胃而畢自抑以張亂則

冀安弱則冀強起為名丘安為平岡歸乎甚尊其名

太行墨翟察而知驥之貴戶佼過而辨牛之難穆王

升由崔道而出世宗行自大河而還孝明嘗登幸上

黨郡章帝以游至天井關孟德北上紀摧輪之恐謝

公西顧引憂生之端阮籍失路而詠懷劉峻懷交而

發歎歸晉陽子惠之便道對二坂祖濬之詳觀決羊
腸之險漚此山之道攻滎陽伐韓以威天下應侯為
秦昭王之謀也據敖倉之粟杜此山之阨距飛狐之
口守白馬之津使天下知所歸者酈食其為漢高祖
之謀也踰此山入射犬破青犢之衆殺謝躬於鄴以
收復天下為心者漢光武之謀也濟河降射犬之衆
還軍敖倉屬魏种以河北事然後西向以爭天下者
魏武帝之謀也進據武牢扼其襟要俾竇建德不能

踰山入上黨收河東之地而卒以并天下者唐太宗之謀也 禹貢太行恒山至于碣石注曰二山連延東北接碣石述征記曰太行山首始於河內自河內北至幽州凡有八陁

平都陁在幽州昌平縣北十里太行八陁蓋盡於此

北邊匈奴

漢匈奴傳詩薄伐獫狁至于太原晉文公攘戎翟悼公和戎翟戰國趙邊於匈奴

名山 雷首

在河中府河東縣南十五里禹貢壺口雷首至于太

岳一名中條山唐司空圖居山之王官谷

唐志河中府永樂縣

壺口山在慈州吉鄉縣郡縣志平山一名壺口山今名姑射山在晉州臨汾縣西八里

介山

在河中府萬泉縣漢河東汾陰縣南

武帝用事介山其山特立周七

十里高三十里在縣西南二十里

唐志又汾州介休縣亦有介山

霍山

職方冀州山鎮謂之霍大山在晉州霍邑縣東北三

十里漢河東羗縣禹貢大岳岳陽

崞山

崞音郭

在代州崞縣

本作崞誤

後漢書注崞縣有崞山地理志名

山無崞山有五臺山在代州五臺縣東北百四十里

道經以為紫府山內經以為清涼山

漢慮虜縣隋改

九域志

崞縣有崞山

大川 汾水

職方冀州浸出憲州靜樂縣

漢汾陽縣地

北管涔山南流

至河中府寶鼎縣北入河

寶鼎漢汾陰縣

說文出太原晉陽

山西南入河詩彼汾沮洳國語宰孔曰晉景霍以為

城汾河凍澮以為淵

山海經管涔之山汾水出焉又云汾水出上窳北

晉水

在太原府陽曲縣

晉陽省入陽曲

出縣西懸壘山東入汾山

海經縣雍之山晉水出焉東南流注于汾水

雍音甕

詩

譜晉陽南有晉水唐叔子燮改為晉侯唐北都城左

汾右晉

丹水

澤州高平縣有洙水一曰丹水漢上黨高都縣莞谷

丹水所出東南入洙水

高都澤州晉城縣隋曰丹川

沁水

出沁州沁源縣

漢穀遠縣後魏改今屬威勝軍

羊頭山世靡谷至懷

州武陟縣入河澤州有沁水縣山海經謁戾之山

在上

黨涅縣

沁水出焉南流注于河

注云至滎陽東北入河

又云出井

陘山東東南注河入懷東南

懷縣今武陟

河北

東並于海

滄州安東並海

南近于河

爾雅兩河間曰冀州職方河內曰冀州通典河在無
棣縣界

西距太行常山

見前 地理志媯州懷戎縣東南五十里有居庸塞

東連盧龍碣石西屬太行常山實天下之險有鐵門

關

居庸呂氏春秋九塞之一

北通渝關

渝關在幽州北七百里營州城西四百八十里又平

州石城縣有臨渝關在州西一百八十里

因渝水為名

名山

隆慮

音廬

在相州林慮縣西二十里

本隆慮漢屬河內郡瑒帝改為林

夏馥入

山中匿姓名為治家傭崔伯陽感山賦隆慮雷首

橋順

二子師事仙人盧子
基於隆慮山棲霞谷

白鹿

在衛州共城縣西五十四里

隋章仇大翼隱於白鹿山徙居林慮山茱萸澗

封龍

一名飛龍山在真定府獲鹿縣南四十五里

漢石邑縣郡

縣志飛龍山在趙州元氏縣西北三十里

趙武靈王取封龍隋

志石邑縣有封龍山唐志趙州元氏縣有封龍山晉王浚使祁弘東討石勒戰於飛龍山

井陘

陘山在真定府井陘縣東南八十里四面高平中下

似井故名之韓信擊趙欲下井陘隋唐置井州

呂氏春秋

九塞之一

井陘口今名土門口在獲鹿縣西南十里有井

陘關一名土門即太行八陘之第五陘也

碣石

在平州石城縣西南漢右北平郡驪城縣

通典在平州盧龍縣

南二十餘里郡縣志

盧龍縣南二十三里碣然而立在海旁水經注驪城

枕海有石如甬道數十里當山頂有大石如柱形其

山昔在河口海濱歷世既久為水所漸淪入于海去

岸五百餘里

秦築長城起所自碣石在今高麗界與此碣石異

禹貢夾右碣

石入于河山海經碣石之山繩水出焉注水經曰今

在遼西臨渝縣南水中秦皇刻碣石門登之以望巨

海

漢武帝東巡海上至碣石

通典碣石山在漢樂浪郡遂城縣長

城起於此山長城東截遼水而入高麗遺趾猶存

右碣

石即河赴海處在平州高麗中為左碣石

常嶽

在定州曲陽縣西北郡縣志在縣北一百四十里常水所出職方并州山鎮曰恒山是為北嶽

大川 漳

職方冀州川 濁漳水出潞州長子縣發鳩山東至相州鄴縣入清漳又清漳出太原府樂平縣少山東北流至德州長河縣瀛州平舒縣入于河周定王五年河徙而東故漳水不入河而自達于海

淇

出相州隆慮縣西大號山南逕朝歌縣北山海經沮
洳之山潞水出焉南流注于河郡縣志出衛州共城
縣西北沮洳山至衛縣古朝歌入河謂之淇水口詩邶
曰亦流于淇鄘曰送我淇上衛曰瞻彼淇澳

呼沱

職方并州川庠池山海經出大戲之山在代州繁峙

縣山在縣東東南流經五臺山東流至文安縣入海

何承矩築隄儲水為阻固並邊諸河
若滹沱胡蘆永濟等河皆匯于塘潞

遠夷控契丹奚靺鞨室韋

契丹與庫莫奚異方同類當遼西正北二百里隨水草畜牧唐貞觀中內屬以為松漠都督府庫莫奚鮮卑宇文別種後強盛有阿會氏諸部皆歸之至隋代號曰奚靺鞨隋文帝初來獻謂即勿吉也古肅慎國地西北與契丹接室韋後魏末通焉在靺鞨之北有五部南室韋在契丹北三千里北室韋分九部唐所聞有九部焉

山南

東接荆楚

詩有蠻荆荆楚春秋莊公之世書荆僖公元年始書

楚

西抵隴蜀

秦隴巴蜀

南控大江

詩江漢之域即荆梁二州

北據商華之山

商山在商州上洛縣南十四里商洛縣南一里亦名地肺山亦名楚山四皓所隱王莽傳謂繞雷之固南當荆楚言四面塞阨屈曲水回繞而雷即七盤十二

繞華山

見前

名山 嶓冢

在興元府金牛縣

今大安軍三泉縣

東二十里漢水所出

貢岷嶓既藝嶓冢導漾東流為漢

一在秦州清水縣郿縣志在秦州上

邽縣西南五十八里漾水所出
薛氏曰隴東之山皆嶓冢也

山海經大時之山又

西三百二十里曰嶓冢之山漢水出焉而東南流注

于沔注嶓冢在武都氏道縣南

熊耳

在商州上洛縣南四十里其山兩峰狀若熊耳禹貢

導洛自熊耳其山在虢州盧氏縣界

齊桓公登熊耳山以望江漢山

海經浮濠之水出焉西流注于洛

巫峽

在夔州巫山縣西楚置巫郡荊州記信陵縣西二十

里有巫峽

建平郡信陵縣今歸州巴東縣
通典晉置建平郡於巫山縣

銅梁

在合州石照縣

唐石鏡縣

南五里左思蜀都賦外負銅梁

山之北址即
巴子故城

荊山

在襄陽府南漳縣禹貢南條荊山

山海經荊山漳水
出焉而東南流注

于雒雒與沮同禹貢荊及衡陽
惟荊州即此山卞和得玉之處

峴山

在襄陽府襄陽縣東南九里歐陽文忠公記曰峴山臨漢上望之隱然蓋諸山之小者而其名特著於荊州蓋羊祜以其仁杜預以其功

大川 巴水

巴江在達州永睦縣

巴江渠江合於通州縣東南

漢水

職方荊州川禹貢漾漢為東漢水出大安軍三泉縣

西嶓冢山至漢陽軍漢陽縣入江漢水一名沔水麗

道元謂東西兩川俱出嶓冢而同為漢水

詩漢之廣矣楚漢水

以為

沔水源出武都東狼谷中即漢水之上源山海

經嶓冢之山漢水出焉東南流注于沔

沮水

在荊門軍當陽縣

漢臨沮故城在縣北

郡縣志出房州永清縣

省入

房陵西南景山東南入于漢江一云出房州房陵縣

東山東南過江陵府枝江縣入于江王粲登樓賦倚

曲沮

十余切

之長洲顏師古曰左傳江漢沮漳楚之望

也山海經景山睢水出焉東南流注于江

景山在南郡房陵西

南二百里

涓水

出虢州盧氏縣南至鄧州順陽縣入于沔山海經攻

離之山涓水出焉南流注于漢在涓陽縣南

漢南陽郡涓陽

縣在涓水之陽故城在鄧州南陽縣南晉杜預修召信臣遺迹激用涓水浸原田萬餘頃

郡縣志

東去鄧州南陽縣三里西去新野縣二百步九域志

金州洵陽縣有洧水

隴石

東接秦州

漢隴西秦亭秦谷今秦州地

西逾流沙

流沙在沙州西八十里其沙隨風流行禹貢導弱水

餘波入于流沙

漢志張掖郡居延縣居延澤在東北古文以為流沙在唐甘州張掖縣東

北百六十里沈括云嘗過無定河活沙履之百步皆動如行幕上或陷則人馬車駝以百千數無孑遺者

或謂此即
流沙也

南連蜀及吐蕃

蜀始見于牧誓秦惠王伐蜀有其地
吐蕃

見前

北界朔漠

唐置北庭安西都護府抵大漠

名山 秦嶺

在秦州上邽縣

省入成紀

九域志隴州隴安縣有秦嶺山

西都賦晞秦嶺晁氏以為隴山秦嶺皆古之岍

通典秦嶺

在京北藍田縣界又商州上洛縣西十八里有秦嶺山嶺北為秦山南為漢山周六百二十里

隴坻

在秦州隴城縣

大隴山在縣東一百里

西京賦右有隴坻之隘

丁禮切

漢武帝幸雍遂踰隴通典隴州汧源縣隴山在

縣西六十二里一曰隴坻

秦州隴城縣有大隴亦曰隴首山清水縣小隴山一

名隴坻又名分水嶺

西傾

在洮州臨潭縣

漢臨洮縣

西南後名西強山在吐谷渾界

水經西傾之南桓水出焉禹貢西傾因桓是來

吐谷
渾阿

豺升西強山觀墊江源
西頃之北洮水所出北流入河

輿地記

朱圉

在西和州大潭縣俗呼為白巖山郡縣志在秦州伏

羌縣西南六十里

積石

在鄯州龍支縣西九十八里黃河在縣西南六十里

禹貢導河始此漢段熲追羌出塞至積石

河自積石
始西南流

山海經積石山其下有石
廓州積石軍在州西南西

臨大澗北枕黃河河州枹罕縣積石山一名唐述山

在縣西北七十里
今人目龍支縣山為大積石山此名小積石山

合黎

在甘州張掖縣西北二百里亦名羗谷俗名要塗山

水經在酒泉會水縣東北禹貢導弱水至於合黎
通典合黎水弱水並在張掖縣

崆峒

在岷州溢樂縣西二十里
唐地理志西和州史記黃帝西至

空桐韋昭曰在隴右正義筭頭山一名崆峒在原州
平高縣五百里括地志在肅州福祿縣東南六十里

三處皆云黃帝登之未詳孰是漢武帝至隴西登空桐

三危

在沙州燉煌縣南三十里山有三峰故曰三危舜竄
三苗禹貢三危既宅導黑水至於三危鄭玄引河圖

及地說云在鳥鼠西南

山海經廣
員百里

鳥鼠同穴

在渭州渭源縣西七十六里

今熙州渭源堡

俗呼為青雀山

其同穴鳥如家雀色小青鼠如家鼠色小黃渭水出

焉禹貢導渭自鳥鼠同穴

同穴山名鳥鼠山者同穴之枝山也孔氏曰鳥鼠共

為雌雄同穴而處其說怪誕不經

河圖曰鳥鼠同穴地之幹也上為

掩畢星山海經注鳥名曰鷦鼠名曰鼯鼯如人家鼠

而短尾鷽似燕而黃色穿地入數尺鼠在內鳥在外

而共處

大川 洮水

出西羌中北至河州枹罕縣入河

弱水

出吐谷渾界窮石山自甘州剛丹縣西至合黎山與張掖縣河合其水力不勝芥然可以皮船渡通鑑魏太武擊柔然至粟水西行至菟園水又循弱水西行至涿邪山則弱水在菟園水之西涿邪山之東禹貢

弱水既西

以水皆東流唯弱黑二水乃西注耳

羌水

出塞外

水經出羌中參合

南至陰平

文州

入白水

河瀆

河源在西徼之外禹迹所及止於積石漢志河水行

塞外東北入塞內至章武入海

章武縣漢屬渤海今入滄州清池縣

六

典凡天下水泉三億三萬三千五百五十有九其在

遐荒絕域者不可得而知江河自西極達東溟中國

之大川也百三十有五水是為中川千二百五十二

水斯為小川

桑欽水經所引天下之水百三十七江河在焉鄴善長注引枝流一千二百五

十二曾氏曰河自西出而南又東折然後北注於海隄防之起自戰國而漢以來築作者輒復敗

休屠澤

在涼州姑臧縣東北

屠直閭切

漢志云禹貢豬野澤

史記都野

遠夷控西域胡戎

西域隋大業中來朝者四十餘國唐貞觀四年伊吾來降列其地為西伊州武后時王孝傑復四鎮自是諸國朝貢侔於前代胡戎黨項羊同悉立泥婆羅之屬

淮南

東臨海

禹貢揚州東距海

西抵漢

沔安二州抵漢水

沔今漢陽軍安今德安府

南據江

漢志江東至江都入海

薛氏曰大江過湖口東行至通州海門縣入海

北距淮

禹貢揚州北據淮跨淮而過

名山 八公

一名淝陵山在壽州壽春縣北四里淝水之北淮水

之南

今安豐軍

苻堅望見八公山上草木皆以為晉兵

宋景

文公覽郡圖得八公山故老言山上有車轍馬跡是淮南王上賓之遺耕者往往得金云丹砂所化可以療病因作詆仙賦

上有淮

南王安廟圖安及八士像

潛

在安慶府懷寧縣西北二十里

通典一名天柱山
音潛漢武帝嘗登

大別

在壽州霍山縣

今安豐軍六安縣

史記索隱云在安豐縣薛

氏曰大別山在漢陽雪亦曰龜山左傳楚拒吳濟漢

而陳自小別至於大別

小別山在漢川縣東南五十里

禹貢導嶓冢

至于荆山內方至于大別

近漢之山今漢陽軍漢陽縣東北一百步其山前枕

蜀江北帶漢水

魯山一名大別

霍山

在霍山縣南五里開寶元年省為鎮入六安漢書注

南嶽霍山在潯縣屬廬江一名天柱山

武帝所登

爾雅南

嶽

羅山

在申州羅山縣

今信陽軍

西南九里有石城山甚高峻在

鍾山縣西南二十一里冥阨蓋謂此山

呂氏春秋九塞之一

塗山

在壽春縣東北濠州鍾離縣西九十五里禹會諸侯

周穆亦會柳宗元有銘

下有縣廟山前有禹會村

大川 滁水

在滁州全椒縣南六十里原出廬州梁縣至瓜步入

大江

肥水

自安豐縣流入經壽春縣北又西入淮晉謝石謝玄

大破秦兵于肥水齊垣崇祖於壽陽城西北堰肥水

巢湖

在廬州合肥縣東南六十四里亦名焦湖

江南

東臨海

謂蘓杭台溫明等州吳舟師自海入齊

西抵蜀

謂施黔等州

南極嶺

五嶺在虔郴永道州

北帶江

謂洪江鄂等州

名山 茅山

在建康府句容縣東南六十里鎮江府金壇縣西南
三十五里唐置茅州一名句曲山言山形如句字之
曲三茅得道之所

蔣山

在建康府上元縣西北十八里唐置蔣州

蔣子文立廟鍾山封

為蔣侯因改為蔣山江表上已常遊於此為衆山之傑

天目

在臨安府於潛縣北六十里有兩峰峰頂各一池左

右相對名曰天目

郭璞云天目山前兩乳長龍飛鳳舞到錢唐

會稽

職方揚州山鎮在紹興府會稽縣東南二十里有禹

穴禹於此會諸侯之計因名秦始皇上會稽祭大禹

立石頌德太史公上會稽探禹穴越絕書勾踐小城

山陰是也

呂氏春秋九山之一水經注會稽山東有穴深不見底謂之禹井

四明

唐志在越州餘姚縣西一百五十里明州以境有四
明山為名在州西八十里山海經句餘之山注今在
餘姚南句章北二縣因為名謝靈運山居賦注天台
四明相接連四明方石四面自然開窻九域志鄞有
四明山慈溪
有句
餘山

天台

在台州天台縣北十里一曰桐栢山高萬八千丈周

旋八百里其山八重四面如一赤城山在縣北六里

天台之南門也名山略記曰葛仙公山也孫綽有賦

唐司馬子微廬天台
隋徐則入天台山

括蒼

在處州麗水縣本括州隋置括蒼縣唐改

輿地廣記
台州臨海

縣有括蒼山窠
宇記今蒼嶺

縉雲

在處州縉雲縣一名仙都

本括蒼縣地
舊傳黃帝
遊仙之處有
孤石特起高

二百丈峰數十或如羊角或如蓮花
隋徐則杖策入縉雲山

金華

在婺州金華縣北二十里赤松子得道處神仙傳皇

初平至金華居石室中

金華洞在縣北三十里

大庾

在南安軍大庾縣西南二十里一名塞上嶺即五嶺

之一

五嶺之最東者亦曰東嶠

漢時呂嘉反漢軍伐之監軍姓庾

城於此故謂之大庾嶺唐志在虔州南康縣

今南安軍

高

駢踪大廈擊賊廣州

武夷

在建寧府崇安縣南三十里漢郊祀志有武夷君

通典

在建安縣唐志在建陽縣時未有崇安縣

朱文公武夷圖序峰巒巖壑秀

拔竒偉清溪九曲流出其間

文公築精舍于五曲大隱屏之下

廬山

在江州潯陽縣

今德化

東三十二里南康軍城北十五

里本名鄣山郡縣志匡俗

字子孝

廬于此山漢武帝拜

為大明公俗號廬君故名山周環五百餘里太史公
南登廬山觀禹疏九江廬山東白鹿洞唐李渤之隱
居南唐創書院

衡嶽

職方荊州山鎮在潭州衡山縣西三十里衡州衡陽
縣北七十里有五峰曰紫蓋天柱芙蓉石廩祝融湘
中記曰衡山有玉牒禹案其文以治水遙望衡山如
陣雲郭璞曰山別名岫嶁韓文公詩岫嶁山尖神禹

碑南嶽記曰朱陵之靈臺宿當翼軫度應機衡故為
名禹導水通瀆刻石書名山之高南嶽文云高四千

一十丈

岫嶠者衡山南麓別峰之名通典衡山在
衡州湘潭縣衡嶽廟在衡山縣西三十里

大川 浙江

在臨安府錢唐縣南十二里越州蕭山縣西二十五

里莊子云淙河蓋取其曲折為名地理志水經曰漸

江

郡縣志江源自歙州界東北流經界石山又東北
經州北又東北流入于海江濤每日晝夜再上常

以月十日二十五日最小月三日十八日極大小則
水漸漲不過數尺大則濤湧高至數丈每年八月十

八日數百里士女共觀舟人
漁子泝濤觸浪謂之弄濤

秦始皇至錢唐臨浙江

吳越春秋越王至浙江之上望見大越山川重秀天

地再清

前潮水伍子胥也
後重水大夫種也

燕肅海潮圖論曰浙江夾

岸有山

南曰龕
北曰赭

二山相對謂之海門岸狹勢逼涌而

為濤高麗圖經云潮汐往來應期不爽為天地之至

信古人嘗論之在山海經以為海鮪出入之度浮屠

書以為神龍之變化竇叔蒙海濤志以為水隨月之

盈虧盧肇海潮賦以謂日出於海衝擊而成王充論

衡以為水者地之血脈隨氣進退率未之盡

大抵天包水水

承地而一元之氣升降於太空之中地乘水力以自持且與元氣升降互為抑揚而人不覺方其氣升而地沉則海水溢上而為潮及其氣降而地浮則海水縮而為汐計日十二辰由子至巳其氣為陽而陽之氣又自有升降以運乎晝由午至亥其氣為陰而陰之氣又自有升降以運乎夜一晝一夜合陰陽之氣凡再升再降故一日之間潮汐皆再焉然晝夜之攻擊乘日升降如應乎月日臨於子則陽氣始升月臨於午則陰氣始升故也夕潮之期日皆臨子晝潮之期月皆臨午焉又日行遲月行速以速應遲每二十九度過半而月行及之日月之會謂之合朔故月朔之夜潮日亦臨子月朔之晝潮日亦臨午焉且晝即天上而言之天體西轉日月東行自朔而往月速漸東至於漸遲而潮亦應之以遲於晝故晝潮自朔後

迭差而入於夜此所以一日午時二日午末三日未時四日未末五日申時六日申末七日酉時八日酉末也至夜即海下而言之天體東轉日月西行自朔而往月速漸西至於漸遲而潮亦應之以遲於夜故夜潮自朔後迭復而入於晝此所以一日子時二日子末三日丑時四日丑末五日寅時六日寅末七日卯時八日卯末也以時有交變氣有盛衰而潮之所至亦因之為大小

湘水

出全州清湘縣陽朔山東入洞庭北至衡州衡陽縣

入江太史公浮沅湘

山海經湘水出舜葬東南陬西環之入洞庭下

贛水

山海經出聶都東山東北注江入彭澤西

注云出南野縣西北

南野今南安軍大庾縣聶都山在縣西南

漢地理志聶縣豫章水出西南

北入大江通典虔州聶縣有章水貢水合流故曰聶

虔州今改為贛東江發源於汀州新樂山經雩都會於章水西江導源於大庾縣之聶都山與貢水合

沅水

在常德府武陵縣漢臨沅縣地至長沙入洞庭湖又

入龍陽縣界歷九洲洲長二十里即李衡種栢所地

理志水經出牂柯且蘭縣

今遵義軍播州地

山海經出象郡

鍾城西入東注江入下雋西合洞庭中楚辭沅有芷
兮澧有蘭濟沅湘以南征

澧水

在澧州澧陽縣出慈利縣歷山東至辰州沅陵縣入
沅注于洞庭水經云出武陵充縣西至長沙下雋縣
西北入江禹貢又東至于澧楚辭澧浦薛氏曰出澧
州石門縣東合石門縣之沔水至安鄉縣入洞庭湖

洞庭

在岳州巴陵縣西南一里五十步

周廻二百六十里

青草湖

相連青草在南洞庭在北

巴丘湖又名青草湖在縣南七十九里周廻二百六

十五

洞庭太湖也廣圓五百餘里日月若出沒於其

中中有君山在縣西三十里青草湖中莊子黃帝張

咸池之樂於洞庭之野楚辭遭吾道兮洞庭

資水沅水澧水

湘水同注洞庭北會大江名五渚戰國策秦與荆戰大破之取洞庭五渚謂此也薛氏曰洞庭即巴丘也

合沅湘諸水至岳州巴陵縣入江

彭蠡

在江州潯陽縣

今德化縣

括地志在縣東南五十里六典

注一名宮亭湖

俗謂之鄱陽湖

在南康軍星子縣南江州彭

澤縣西地理志在豫章郡彭澤縣西郡縣志在都昌

縣

今屬南康軍

西六十里與潯陽縣分湖為界禹貢揚州

彭蠡既豬

即江漢所匯之澤合江西江東諸水跨豫章饒州南康軍三州之地

吳起曰

三苗左洞庭右彭蠡

宋武帝破盧循於左里即彭蠡湖口左里故城在都昌縣西南

九十五里彭澤故縣城在都昌縣北四十五里晉陶潛為令治此城

太湖

職方揚州其浸五湖國語注太湖即五湖

在吳西南

唐志

湖州烏程縣有太湖占湖宣常蘓四州境通典湖州

東有太湖一名震澤

在吳縣西南五十里太史公上姑蘇望五湖太湖周五百里故

曰五湖有芑山亦曰夫椒山俗謂之洞庭

山海經浮玉之山北望具區注

太湖也李氏曰五湖彭蠡洞庭巢湖太湖鑑湖

薛氏曰震

澤今太湖在平江吳縣

遠夷控五溪之蠻

通典黔州楚黔中謂之五溪謂酉辰巫武陵等古老

相傳云楚子滅巴巴子兄弟五人流入黔中各為一

溪之長一說云五溪蠻皆槃瓠子孫非巴子也水經

注武陵五溪雄構酉瀘辰周武帝時蠻帥以其地歸

附遂置黔州

其在黔中五溪長沙間為盤瓠之後其在峽中已梁間為廩君之後

劍南

東連牂柯

通典牂柯渠帥姓謝氏舊臣中國正觀中修貢列其

地為牂州

思州當牂柯之衝要

西界吐蕃

見前

南接羣蠻

羣蠻南詔北抵益州又有烏蠻白水蠻昆明蠻充州

蠻六姓蠻之屬

漢州維縣西北有白馬羌南平蠻北與涪州接獠益蠻之別種漢中邛笮

川谷之間
所在皆有

北通劍閣

劍閣在劍州劍門縣張載作銘有梁山亦曰大劍山

在縣西南二十四里

今隆慶府郡縣志大劍山亦曰梁山在劍州普安縣北四十九

里通典利州益昌縣古劄閣道秦使司馬錯伐蜀所由謂之石牛道郡縣志自益昌縣界西南十里至劄州普安縣大劄鎮

名山 峨眉

峨眉大山在嘉州峨眉縣西七里

漢犍為郡隋眉山郡今嘉定府兩

山相對望之如峨眉中峨眉在縣東南二十里西魏

至眉州在峨眉之陰

因山名蜀都賦抗峨眉之重阻

峨大

山在峨眉縣南百里中峨山在南二十里小峨山在南三十里是為三峨

青城

在永康軍青城縣北三十二里

岷山第一峰也仙經云此是

第五洞天上流泉縣澍一日三時灑落謂之潮泉

鶴鳴

在蜀州晉原縣西七十九里

今崇慶府

絕壁千尋後漢張道

陵學道鶴鳴山中

一云在縣西八十里益州記張道陵登仙之所嘗有白鶴遊其上

岷山

在茂州汶山縣俗謂之鐵豹嶺禹導江始於此

河圖括地

象曰岷山之地為井絡帝以會昌神以建福禹貢岷山導江東別為沱沱水在彭州唐昌縣

太史

公西瞻蜀之岷山郡縣志岷山在岷州溢樂縣南一

里

大川
涪水

出剛氏道徼外經綿州巴西縣至合州入漢

雒水

出漢州雒縣章山南至新都谷入湔蜀都賦浸以綿

雒

西漢水

出秦州清水縣

通典上邦縣
今省入清水

嶓冢山南入廣漢白水

東南至重慶府江津縣入江

禹貢廣記此嘉陵江水
薛氏曰西漢出清水之

嶠冢與嘉陵

合流入蜀

江瀆

江源在松州交川縣西北江源鎮至茂州岷山自岷

山東流別而為沱

至通州海
門縣入海

山海經岷山江水出焉

東北流注于海峽山岨山江水出焉東流注于大江

遠夷控西河羣蠻

唐志劔南諸蠻州九十二無城邑椎髻皮服通典松

外諸蠻貊觀未遣兵從西洱河討之其西洱河從舊
州西千五百里其地有數十百部落

嶺南

東南際海

秦置南海尉所謂東南一尉也

通典禹貢物產貢賦
職方山數川浸皆不

及五嶺之外則嶺南
之地非九州之境

西極羣蠻

漢交趾九真日南合浦皆有蠻唐嶺南諸蠻州九十

二隸挂邕州安南府蜀蒙蠻州十八隸峰州

北據五嶺

秦南守五嶺塞上嶺一也

今南安軍大庾嶺

騎田嶺二也

今

州臘嶺

都龐嶺三也

今道州永明嶺

甬諸嶺四也

今道州白芒嶺

越城

嶺五也

今靜江府北永州南臨源嶺

名山黃嶺

在廣州東莞縣

靈洲山

在廣州南海縣鬱水中

南越志肅連山西十二里有靈洲焉其山平原彌望

大川 桂水

連州桂陽縣在桂水之陽又靜江府臨桂縣有灘水
一名桂江經縣東去縣十步九域志韶州曲江縣有
桂水

鬱水

在南海縣漢志鬱林郡廣鬱縣鬱水首受夜郎脉水
東至四會縣入海

四會屬廣州

山海經出象郡而西南注

南海入須陵東南

遠夷控百越林邑扶南

通典自嶺以南是百越之地自交趾至會稽七八十里百越雜處各有種姓古謂之雕題林邑漢桓靈後蠻獠據象郡象林縣遂為林邑國晉灌邃討之宋杜慧度宗慤隋劉方破之唐曰環王城今占扶南在日南郡之南海西大島中在林邑西南文身被髮晉隋遣使貢獻唐亦來貢

通鑑地理通釋卷五